

XANA I YINI LEXI KOKAKA

RINOKO ENTSHAVENI?



Pfumela ntsena, pfumela ntsena,
Swilo hinkwaswo swa koteka, pfumela ntsena.

A hi korhamiseni tinhloko ta hina sweswi.

Xikwembu Tatana, xexo i xikhongelo xa hina xo tshembheka vusiku lebyi, hi ku vona hinkwaswo leswi U nga eku swi endleleni vanhu esikwini leri. Kutani ha Ku kombela, Hosi, onge hi nga pfumela ntsena, ntsena ku pfumela leswaku hi Rona Ntiyiso, Rito leri tsariweke leri vonakarisiweke eka hina. Hi nyike swilo leswi, Tatana.

² Sweswi vusiku lebyi hi lava ku Ku khensa hikwalaho ka—ka ku Vonakala loku U ku hoxeleke hina eMatsalweni mixo lowu. Nakona ha khongela vusiku lebyi, Hosi, eka layini liya ya xikhongelo, leswaku U ta tiyisisa Rito ra Wena kuva ri ri Ntiyiso.

³ Hi khongeleta tikereke hinkwato na tinhlengeletano leti hlengeletaneke ku tsemakanya e—e—e swipikara leswintsongo hinkwako le handle, ku suka erixakeni, ndlela hinkwayo kuya eWest Coast, ku gonya le tintshaveni ta Arizona, ku rhelela le timbaleni ta Texas, kuya eEast Coast, hinkwako ku tsemakanya tiko, Hosi, laha va hlanganeke kona. Tiawara to tala to hambana, hi le nkarhini, kambe, Hosi, hi kun'we vusiku lebyi tani hi nchumu wun'we, vapfumeri, lava va rindzeleke ku Vuya ka Mesiya. Ha khongela, Tatana wa le Tilweni, leswaku U ta N'wi rhumela ku ngari khale hikwalaho ka Kereke ya Wena. Hikuva hi swi kombela hi Vito ra Yena. Amen.

⁴ Mi nga tshama ehansi. Marungula ya Vukreste eka hinkwavo lava nga kona vusiku lebyi. Ndza tisola kuva haha ku tshitshinganile na ku manyana ku fikela laha hi nga ha koteki ku hefemula. Hambi swiri swiphyuphyisi, na wona moywa swona lowu phyuphyeke, a wu na ntikelo wo yini, kuna vanhu votala. Loko a kova ntsena na kereke ya ntoloveloo leyia taleke hi vanhu, swiphyuphyisi sweswo a swi ta mi gwitsirisa. Kambe un'wana na un'wana sweswi u na fene, leyia phyuphyisaka, nakona xiphyuphyisi xi le ku hungeni swinene hilaha xi nga kotaka ha kona.

⁵ Hi rhumela marungula ku suka eEast Coast kuya eWest, eka vanghana va hina hinkwavo eka Kreste, lava yingiseleke. Hi rhumela marungula le San Jose, Makwerhu Borders, ntlawa lowu nga kwalaho. Hi rhumela marungula ehenhla le tintshaveni, Prescott, Arizona, eka Makwerhu Leo Mercier na ntlawa wa yena lowu rindzeleke ku Vuya ka Hosi. Hi rhumela

marungula eka lava nga eTucson, lava hlengeletaneke vusiku lebyi, va rindzerile ku Vuya ka Hosi. Ku rhelela eHouston, Texas, eka lava rindzeleke ku Vuya ka Hosi. Ehenhle eChicago, eka lava rindzeleke ku Vuya ka Hosi. Ehenhla eEast Coast, New York na Connecticut, na mintlawa ya kahle leyi nga lahaya, leyi rindzeleke ku Vuya ka Hosi. A hi na ndhawu yo va rhurhela kona lahawani, swingaleswi hi va rhumela Rito ntsena hi—hi vuuhlanganisi bya riqingho. Hi rhumela marungula eka Makwerhu Junior Jackson vusiku lebyi, na ntlawa wa yena eClarksville. Makwerhu Ruddell, le henhla eka makume ntsevumbirhi, na ntlawa wa yena, lowu wu rindzeleke ku Vuya ka Hosi. Nakona hi hlengeletananile lahawani vusiku lebyi eka kereke ya le kaya, tabernakele, leyi rindzeleke ku Vuya ka Hosi.

⁶ Kutani sweswi, votala va n'wina kumbexani a mi ngari eswikhongelweni mixo lowu. Kambe ndzi tshembha leswaku un'wana na un'wana, loyi a ngari kona, u ta kuma thepi ya leyo, hikuva ndzi pfumela leswaku a kuri Hungu leri kongomeke ku tlurisa eka kereke hi mpfhuka ka—ka Hunga ra *Vakulukumba, Xana I Nkarhi Muni?* Ndzi twile ntoto wa Moya, ndzi twile ndzi hloholoteriwa ku vula leswi ndzi swi endleke. A wu lehile, kambe ndzi twile ndzi hloholoteriwa ku swi endla. Nakona ndzi ehleketa leswaku Hosi, hi Rito ra Yona, yi kombisile leswaku i awara muni leyi hi hanyaka eka yona. Nakona tiyisisani leswaku hi twisia swilo leswi nga twisisekiki leswi nga ku humeleteni. Ma swi tiva, Bibele yi te, “Lavo tlhariha va ta switwisisa.”

⁷ Kambe matiko na vanhu swi ta nyanya “ku tsana na ku tlhariha.” Ntsena ehleketani, Muamerika wa le xikarhi sweswi u le ka malembe ya le xikarhi, kwalomu ka makume mbirhi wa malembe hi vunkhale, a tsanile kambe a tlharihile. A va ngari na swihaha-mpfhuka swa jet hi emasikwini ya vona, na—na swithavatlhavani swa athomiki, kambe a va hanya nkarhi wo leha. Hi le ku tsaneni na ku tlhariha, nakona vutlharhi bya hina vinyi hi byona byi nga ta hi lovisa. Hi ta tilovisa hi hexe. Xikwembu a xi nga ta hi lovisa; vutlharhi bya hina vinyi byi ta hi lovisa. Swi vile hi ndlela yaleyo nkarhi hinkwawo, nakona swi tava tano nakambe.

⁸ Sweswi, loko Hosi yi swi rhandza, emixweni wa Sonto lowu landzelaka, a ndzi le ku swi tiveni sweswi leswaku ndzi tava ndzi vulavula hi yini, kambe ndzi tshembha leswaku Hosi, loko Yi hi pfumelela ku famba kutani ku nga humeleti nchumu, nakona kuva ku rhandza ka Yona, hi kunguhatile ku vulavula hi Hungu rin'wana emixweni wa Sonto lowu landzelaka, hi va na xikhongelo xa vavabyi hi vusiku bya Sonto. Kutani swi va vutihlamuleri bya mina ku tlhelela endzhaku eArizona, ku tlherisela ndyangu leswaku vana va ta tsarisa exikolweni. Kutani mi tava... Hi ta mi tivisa, hilaha hi nga kotaka ha kona, hi tinhlegetano loko ti ri karhi ti vupfa, kumbe minkarhi leyi

hi... tindhawu leti hi kunguhataka kuva eka tona. Swingalswi, Xikwembu a xi mi katekisi hinkwenu.

⁹ Sweswi vusiku lebyi, hi ku tiva leswaku i... Ndzi letile hi timinetse ta khume ntlhanu, xo sungula, kotara kuya eka awara ya nhungu laha eJeffersonville; nakona sweswo i kwalomu ka kotara kuya eka awara ya nkaye eEast Coast, kutani i kwalomu ka awara ya ntlhanu eWest Coast. Swingaleswi sweswi hi le kusuhi na ku tlomuta ka dyambu lahwani. Nakona ndzi lava ku vulavula na n'wina ntsena hi xintirhwana xo koma, ku ringeta ku kuma ntoto wa Moya, kutani ndzi vitana layini ya xikhongelo.

¹⁰ Kutani ndzi lava nhlengeletano lahwani, na yona nhlengeletano leyi hlengeletaneke etindhawini tin'wana, ku kuma vavanuna van'wana, vaboti van'wana lava totiweke hi Moya; kutani loko hi sungula ku khongeleta vavabyi, yanani mi ya tlhandleka mavoko ehenhla ka lava nga etinhlegeletanwini ta n'wina. Tsundzukani, Xikwembu xi kumeka hinkwako; Xi kona hinkwako. Swingaleswi, ehansi le Texas, ehenhla le California, ehenhla le Arizona, hinkwako laha mi nga kona, tlhandlekani mavoko ehenhla ka lava vabyaka loko hi sungula ku khongeleta vavabyi. Nakona ndza tshembha leswaku Xikwembu xi ta yingisa na ku hlamula xikhongelo.

¹¹ Nchumu lowu nga tollovelekangiki, vusiki bya Sonto lowu nga hundza, na swona ntoto a wuri ekuyeni emahlweni, nakona Moya lowo Kwetsima... A kuri nchumu lowukulu. A ndzi se va na—na layini ya vukambisisi eka tin'hweti na tin'hweti, hi mpfhuka ndzi vile kwala nkarhi wun'wana. Nakona kuya kwalahaya ehansi ka xitsembhiso... A wu swi tivi leswaku Xi ta swi endla. U ngaka u nga swi vuli leswaku Xi ta swi endla. Ntsena u fanele kuya kwalahaya kutani u rindzela. Hi xona mufumi lonkulu. Xi endla leswi Xi swi lavaka. Kambe yima kwalahaya kutani u yimela ku ta vona leswi Xi nga ta swi endla, kutani u Swi twa loko swi humelela eka wena kukotisa sweswo.

¹² Kutani emakumu ka—ka nhlengeletano, a ndzi le ku swi tiveni leswaku a kuri mani, kambe a kuri na—na wanuna kun'wana kwalahaya layinini loyi a lehile, na kuva na mpandlha enhlokweni, nakona a ri munhu loyi a vabyaka ngopfu.

¹³ Kutani eku heteeleni, ku vile na wanuna loyi a humeleleke eka platifomo, nakona a korhamisile nhloko ya yena, na swona a languteka tani hi loko a ri eku xanisekeni, a tikhomerelerile ekhwirini. Kutani a ndzi ehleketa leswaku u tava a ri wanuna lowo sungula kumbe wanuna wa vumbirhi, kumbe hambi ku ngava nkarhi wihi lowu ndzi n'wi khongeleteleke hi wona, hikuva a ri na mpandlha nakona a korhamerisele nhloko ya yena ehansi; wanuna nkulukumba, a korhamile. Kambe ndzi langutile hinkwako kutani ndzi kuma njhingha yi tshamile le handle, kambe a yi ri eku tlengeleni. Ndzi anakanyile, "Swi kwihi xana?"

A ndzi nga koti ku endla xiboho xa leswaku swi le kwihi. A ndzi swi twa na ku vona wanuna a ri emahlweni ka mina.

Ndzi swi twile swi koka ku rhendzeleka hi ndlela leyi, nakona a swi ta ku suka endzhaku. Ndzi langutile Makwerhu Neville na lava mbirhi lava tshameke lahwani, a ku ngari vona. Ndzi ku, "Wanuna u le ndzeni ka ndhawu yo khuvulela kona endzhaku lahaya." Kutani xana ma swi tiva leswaku a ku ri mani? Makwerhu Shepherd. Xivangelo xo va ndzi nga kotanga ku n'wi lemuka, a tshamile le ndzhaku a korhamisile nhloko, a ri eku khongeleni.

¹⁴ A ehleketa leswaku a ya ekufeni, u ehleketele sweswo eka mavhiki ma ngari mangani lawa ya hundzeke. Nsati wakwe u n'wi byerile kuya a ya tikumela pherhe yintshwa ya tintanghu, kutani u te, "A ndzi nge ti dingi. A ndzi nga tava kona nkarhi wo leha."

¹⁵ Kutani u hlanganile na mina siku rin'wana e...le henhla ejaratene, ra Makwerhu Wood, a ri karhi a huwelela na ku dzunisa Xikwembu. A ku, "Ndzi dya bakhoni, matandza, matamatisi, xin'wana na xin'wana lexi ndzi xi lavaka."

¹⁶ Nakona hi ku titsongahata u nyikerile xitulu xa yena, a ya le ndzhaku a pfula ndlela, na swona a ri eku khongeleni. Wa vona, a wu dingi xikhadana xa xikhongelo, ntsena u lava ripfumelo. Wa vona?

Sweswi, a ndzi nga swi tivi loko kuruku u horisiwile kumbe ee, ntsena ndzi te, "E—e wanuna, loyi a nga eku khongeleni, u na swin'wana leswi hoxekeke." Ndzi ehleketa leswaku Swi vurile leswi a kuri swona, "Ku karhateka ekhwirini, nakona u le ku khongeleni le ndzhaku. Hosi Yesu a ku horisa." Sweswi, sweswo hi swona leswi a ndzi ta swi vula. Ku koka a kuri leswaku a ri eku khongeleni. A ndzi swi vona, kambe leswi humeleleke a ndzi swi tivi. Wa vona?

¹⁷ Kambe loko u Swi twa swi vuya, un'wana na un'wana wa swi twa, loko Swi ku, "LESWI HOSI YI SWI VULAKA," wa vona, yaloye a hi mina a ka hari mina ndzi vulavulaka; yaloye hi Yena.

¹⁸ Kambe ndzi tshamela ku vula leswaku, "Yesu Kreste u ku horisile," walowo hi wona Ntiyiso. "U tlhaviwile hikwalaho ka swidyoho swa hina, hi tshunguriwa hi timbunga ta Yena." Wa vona? Wa vona?

¹⁹ Kambe loko Swi ta, "LESWI HOSI YI SWI VULAKA," nakona swi ku byela leswi u faneleke ku swi endla na leswi nga ta humelela, langutisa sweswo, swi tava hi ndlela yaleyo.

²⁰ Kambe loko ndzi ku, "Yesu Kreste a ku horisa na ku ku endla loyi a heleleke," wa swi pfumela, hikuva i khale A swi vurile. Ndzo va eku vuyeleriseni ka leswi A swi vuleke.

²¹ Kutani xivono kova ntsena ku vuyelerisa leswi A swi kombiseke. Ma swi twisisa xana?

²² Sweswi a hi hatliseni kutani hi nghena eRitweni, hikuva ndza swi tiva leswaku votala va n'wina mi kona, mi na timayile to leha leti mi faneleke ku ti famba vusiku lebyi. Ndza khongela leswaku Xikwembu xi ta mi katekisa, xi mi pfuna na ku mi hlayisa emapatwini. Nakona sweswi ndzi navela ku pfula eka Mukwetsimi Matewu evusikwini lebyi, ku avanyisa ka vu 21, na tindzimana ta 1 kuya eka 11, eka Mukwetsimi Matewu. Kutani, sweswi, loko u ngari na Bibele ya wena, kumbe loko u lava ku tsala Matsalwa lawa ehansi, swi kahle.

²³ Kutani sweswi eka n'wina lava nga kalangiki va ri twa Hungu mixo lowu, nakona mi ri na thepi yo kandziyisa; a hi kombeli hi matimba, ku xavisa xin'wana na xin'wana. Minkarhi yin'wana eka nhlengeletano leyikulu va ta tivisa leswaku va na tibuku le ndzhaku; a hi kumi nchumu eka ton. Makwerhu Vayle hi yena mutsari. Tithepi, wanuna loyi a fambisaka bindzu ra tithepi lahaya u ta mi byela, a hi endli mali hi tithepi. A hi endli tano... A hi "tithepi"; i Hungu. Kutani loko munhu a swi veka emiehlekeweni leswaku i mali, a ngaka a nga ha yi emahlwemi na ku endla tithepi. Hi swona sweswo. A ndzi ri eku vutisemi mayelana na swona, ndzi ehleketa leswaku tithepi ta hina ti xavisa kwalomu ka, ehansi ka ntlhanu wa tidolara, kumbe swin'wana, nharhu kuya eka ntlhanu, kumbe swin'wana swo kota sweswo. U ri yini? Nharhu; na mune, eka letikulu, tithepi to leha.

²⁴ Kutani ministara un'wana, ndzi vutisile mayelana na yin'we ya tithepi ta yena, nakona a yiri nkaye wa tidolara, ya kwalomu ka makume mbirhi wa timinetse kumbe makume nharhu, wa hungu ra kona.

²⁵ Swingaleswi ndza swi vona leswaku Makwerhu wa hina Sothmann le ndzhaku a nga le ku fumeni, un'wana na un'wana wa vona, eka tithepi leti va nga—va nga eku ti hangalaseni. Wa vona, va endla ntsena leswi ringaneleke kuya emahlwemi hi swona. U ngaka u nga va kombeli ku ti endlela mahala, hikuva va fanele ku xava tithepi na leswin'wana hinkwaswo. Nakona michini ya kona ya durha, yi durha kwalomu ka khume ra magidi ya tidolara kuva yi lulamiseriwa ku endla tithepi teto, xo sungula.

²⁶ Sweswi, ndzi twisia leswaku loko ndzi tava ndzi... tava ndzi swi tivisile. Kambe ku na ku yingiseriwa ka thepi nakambe. Ha kanyingi hi... matrasti, a ndzi na nchumu xo xi endla hi swona na swintsongo. A ndzi kali ndzi... a ndzi se tshama na kan'we eka tinhlengeletano. A hi—a hi ku yima swin'we hambi kuri ku lwisana. Va yisa vuringanyeti bya vona; matrasti ya endla xiboho leswaku hi wihi wanuna loyi a landzelaka eku endleni ka tithepi, kutani va n'wi rhumela papila. Sweswo hi leswi ndzi swi tivaka mayelana na swona. Va swi tlhogomela sweswo, hikuva

ndzi ngaka ndzi nga ha katekisi na vana hi nga se khumbha ku tlhogomela tithepi, swingaleswi, kumbexani ku khuvula.

²⁷ Swingaleswi ndzi vekile miehleketo ya mina eHungwini leri, sweswo i ku Koka ka Vunharhu, nakona hi kona kuri koxe loku ndzi faneleke ku tshembheka na kuva na ntiyiso kona.

²⁸ Matewu 21:1 ku fika eka 11. Ndzi vurile sweswo leswaku mi tava miri eku langutiseni ka...kumbe ku pfula eMatsalweni.

Kute loko va...Kute loko va tshinelela eYerusalem, va fika eBetfage, entshaveni ya Mitlhwari,...Yesu a rhuma vadyondzisiwa va yena vambirhi,

A ku eka vona, Yanani emutini lowu mi wu kongomeke, kutaku loko mi fikile mi ta kuma mbhongholo ya ntswele yi khungiwile, yi ri na ximbhongholwana: mi ti ntshuxa, mi ti tisa eka mina.

Kutaku loko munhu a mi vutisa, mi ku eka yena, Hosi ya ti lava; kutani u ta hatlisa a mi nyiketa.

Swoleswo hinkwaswo swi endliwile, leswaku ku endleka leswi nga vuriwa hi muprofeta, loyi a nge te,

Byelani vanhwana va Sion, Wa swi vona, Hosi ya n'wina hi yona leyi taka ka n'wina, yi olovile,...yi khandziyile mbhongholo, en'wana wa mbhongholo.

Kutani vadyondzisiwa va ya, va endla hi laha Yesu a va leriseke ha kona,

Kutani va neha e-e mbhongholo, na ximbhongholwana, va andlala tinguvu ta vona ehenhla ka xona, kutani a tshamisa ehenhla ka tona

Kutani vanhu lavo tala va andlala tinguvu ta vona endleleni; nakona van'wanyana va tsema mahlampfu ya mirhi, kutani va ma andlala endleleni.

Kambe mintshungu leyi n'wi rhangeleke mahlweni, na leyi n'wi landzelaka endzhaku, va bongosa, va ku, Hosana eka Nwana Davhida: A ku nkhenhiwe loyi a taka hi vito ra Hosi; Hosana ematilweni ya le henhla ka tilo.

Kute loko a nghene eYerusalem, muti hinkwawo wu yima-yima, wu ku, Loyi i mani xana?

Kutani mintshungu yi ku, Loyi i Yesu muprofeta wa Nazareta wa le Galeliya.

²⁹ Sweswi loko ndzi nga teka tsalwa eka sweswo, kwalomu ka makume nharhu wa timinetse layini yo khongelela yi nga se sungula, ndzi nga tsakela ku teka leswi swi va tsalwa: *Xana I Yini Lexi Kokaka Rinoko Entshaveni?*

³⁰ Sweswi, ri vile lero karharisa, siku ro vilerisa, nakona a ri ri siku ro ka ri nga tololelekanga. Hi kuma Yesu lahawani a ri karhi a ya eYerusalem, a tilulamisele ku nghenele paseka.

Na swona paseka hi laha xinyimpfana xa paseka a xi dlayiwa, kutani ngati yi totiwa exitulwini xa ku tsetseleriwa ka e—e ku rivaleriwa ka—ka vanhu. Swingaleswi A huma eBetfage nakona u fikele ehenhla ka Ntshava ya Mtlhwari, leyi languteke ehansi ka xiganga xin'wana lexintsongo laha Yerusalem yi akiweke kona. Kute loko A langutile, kutani a swi tiva leswaku leri a kuri rendzo ra Yena ro hetelela.

³¹ Lowu a wuri nkarhi A ta yisiwa emavokweni ya vavanuna lavo biha nakona a va ta N'wi dlaya. A ta fa rifu ro chavisa ku tlurisa leri nga se tshamaka ri fiwa hi munhu, na ku lahliwa. A ta xengiwa hi va Yena N'wini, van'wana va vona a va yimile na Yena. Kutani Yena, kuva a ri Xikwembu, a tiva leswi a swi ri etimbilwini ta vona, na swona a swi tiva ku sukela eku sungulen i leswaku i mani loyi a ta N'wi xenga. Nakona Yena a swi tiva leswaku wanuna yaloye a ri na Yena na loyi a tshamile etlhelo ka Yena na ku N'wi hlayelela mali, na swin'wana, a swi tiva leswaku wanuna luya a ta N'wi xenga. Nakona a swi tiva leswaku xihambano xa tihanyi xa Xirhoma a xi N'wi yimerile le handle. A swi tiva leswaku mati ya Yena emirini wa Yena na Ngati ya Miri wa Yena a swi ta hambana, na swona Ngati a yi ta thona emombyeni wa Yena, mathonsi lamakulu kukotisa nyuku. A swi tiva leswaku sweswo hinkwaswo a swi ri emahlweni ka Yena. Na swona U yimile ehenhla ka ntshava, a languta eYerusalem.

³² Vanhu va siku rero, e...leswi hi siku rero a va swi vula, “ntlawa wa vanhu va vukhongeri byo antswa,” a va N'wi venga. Tikereke ta siku rero a ti N'wi venga na ku N'wi hehla, nakona ti hehlile hinkwavo lava a va N'wi yingisa. Na swona loko va yile va ya nghenela mapfhumba ya Yena, a va tsemiwa hi nkarhi walowo eka xinakulobye xa kerek. A swi hlamarisi kuva Matsalwa ya te, “U tile eka Varikwavo wa Yena, kambe Varikwavo wa Yena a va N'wi amukelanga.” Lava a va fanele va N'wi rhandzile, lava a va fanele kuva va Yena, a vari lavo bava va Yena, valala vo bava va khalakhasa.

³³ Kutani U endlile xintlwawani xa Yena ku suka eka vanhu va swisiwana, varhiyi va tihlampfi, vahlengeleti va xibalo, lava nga dyondzekangiki. Bibele yi te van'wana va vona “a va nga ri na vutivi, va nga dyondzekangi.” Van'wana a va nga swi koti hambi kuri ku sayina mavito ya vona. A nga kalanga a ya etikerekenei kuva a kuma vanhu va Yena.

³⁴ Nakona A nga kalanga a pfumelelana na hambi kuri un'we wa varhangeri va tikereke. Na swona, handle ka sweswo, U landzelerile maendlelo ya muprofeta. U sorile hinkwaswo leswi a va swi endla, tani hilaha lava va N'wi rrangeleke va nga endla ha kona; hikuva a vari xiphemu xa Rito, nakona Yena a ri Rito hi ku hetiseka ka Rona.

³⁵ Kambe exikarhi ka swona hinkwaswo, ku hundza eka nguva yin'wana na yin'wana na muprofeta un'wana na un'wana leswi

veke kona kumbe swi nga tava kona, ku tava na nhlayo yo karhi ya vanhu lava hlawuleriweke emahlweni ku ta twa Hungu rero, nakona va ta Ri landzela. Valava va honisa mintshungu. Va honisa vusandzi bya loyi a nga pfumeriki. Va—va hava minjhekanjhekisano na vona. Va na nchumu wun'we ntsena wo wu endla, lowu nga ku pfumela na ku kuma xiphemu xin'wana na xin'wana xa Rona hilaha va nga kotaka ha kona, va Ri nwelerisa kukotisa hilaha Mariya a tshameke emilengeni ya Yesu.

³⁶ Kutani Marta a ri eku N'wi lulamiseleni ka swakudya, nakona Yesu a ku ka yena, "Kambe, Marta, u vilela swonghasi hi swilo swa vutomi, kambe Mariya u tihlawulele ku averiwa ko antswa," wa vona, swilo swa Vutomi lebyi nga Heriki.

³⁷ Sweswi, hi kuma leswaku vunyingi bya vanhu lava twisiseke... A va ngari na dyondzo kukotisa leyi hi nga na yona namuntlha, a va ngari na thelevhixini kumbe tapingho, kumbe xin'wana na xin'wana, xa siku rero, kambe a va tivisiwile leswaku U tava kona eka paseka. Eka vanhu votala, hikuva va ri ni mianakanyo ya ximoya, va swi tivile leswaku A ri xona Xinyimpfana xa paseka, hikuva se A va byerile swilo leswi a swi ta humeleta.

³⁸ Kutani, hakunene, kuva va swi tivile leswaku A tava kwalahaya, na hi ndlela leyi a va N'wi rhandzisa xiswona, a va N'wi rindzerile. A kuri na ntshungu lowu kumbexani a wu ri eku susumeteni, wu susumeta ku suka enyangweni wun'we kuya eka lowun'wana, va ri eku halahaleni hi tindlela hinkwato, hikuva a va swi tiva leswaku eka yin'wana ya tiawara A ta humeleta. A va ri eku halahaleni.

³⁹ Van'wani a va ri eku tivutiseni leswaku xana xiphiqo xi ngava xi ri yini hi vanhu lava tsutsumaka ku suka enyangweni ku ya enyangweni lowun'wana. "Xana i yini lexi kokaka rinoko?"

⁴⁰ Nakona a va ta languta tlhelo *leri* vatlhela va languta tlhelo *leriya*, ku kumisia. A swi tikomba onge a va langutele swin'wana, va lungutele kuva swin'wana swi humeleta.

⁴¹ Oho, hilaha ndzi nga tsakelaka ku cinca tsalwa ra mina eka timenetse tintsongo kutani ndzi vula leswi, leswaku yaleyo hi yona mhaka leyi karhataka namuntlha. Vanhu lava languteleku vuya ka Yena va le hansi ka vutilulamiseri na vulanguteri lebyikulu. Ha wu twa, ntshikelelo. Nakona va le ku lava-laveni, va hlalela ku famba-famba kun'wana na kun'wana na xikombiso xin'wana na xin'wana, va ri eku xi pimaniseni na Matsalwa.

⁴² Kutani loko va tava va vonile swilo hinkwaswo leswi bvumbhiweke mayelana na Yena, kuya fika emakumu, va swi tivile leswaku makumu a ya ri ekusuhi. A va lava kuva kona, swingaleswi va hlalerile. Xiphemu xin'wana xa ntshungu a xi ri xa Yena, hi nhlayo leyintsongo. Van'wana a va lwisana na

Yena, votala va vona, makume nkaye wa tiphesente a va lwisana na Yena.

⁴³ Na swona sweswo hi leswi swi nga xiswona namuntlha eka mintshungu ya vukhongeri, loko swi fika ehansi eRitweni na Kreste, ku na phesente yin'we ntsena leyi nga ta Swi pfumela. Xiphemu lexin'wana xi ngaka xi nga Swi rhiyeli ndleve, swi ngari na mhaka leswaku ku endliwile yini, va nga hundzisa muxaka wa swa mafenza kumbe va hoxa xisandzu mayelana na Swona. Ntsena hilaha swi fanaka. Nkarhi, swilo a swi cinci ku tlurisa, matimu yo tivuyelerisa hi woxe.

⁴⁴ Hi swona, hi kuma leswaku sweswo swi kokile ku ntshikeleta wa ku chuhwa. A swi fanele kuva tano. Swi fanele ku wu endla. A va rindzerile, va ri karhi va tivutisa leswaku xana A ta endla yini loko A fika kwalahaya. A va lava kuva kwalahaya ku ta kuma xin'wana na xin'wana lexi A xi endleke. A va Swi lava. A va lava ku Swi vona. A va N'wi pfumela. Van'wana va swi twile leswaku A ri ekuteni, nakona a va yile kwalahaya kuya endla mafenza hi Yena. Swingaleswi endzhaku ka ku langutela hi ku chuhwa, siku leri nga tolrevelekangiki, nkarhi lowu nga tolrevelekangiki, tikereke ti ettele, vanhu a va chuhwile, a kuri na vanhu votala swinene kwalahaya, kutani swi humelela!

⁴⁵ Ehenhla ka Ntshava ya Mithwari ku tile leyintsongo, mbhongholo yo basa yi ri eku teni, yi rhelela exigangeni, na ntlawa wa vanhu lava a va huwelela hi ku phuphurhuka, va ri karhi va tsema mahlampfu ya mirhi, va cukumetela tinguvu ta vona epatwini, va huwelela, "Hosanna eka N'wana Davhida loyi a taka hi Vito ra Hosi!" E... ximbhongholwana lexi, Mukhandziyi wa xona a ku ngari un'wana handle ka Mesiya mutotiwa wa Xikwembu wa awara yaleyo.

⁴⁶ Xikwembu, kutani, a Xi endla yini xana? Xana i yini lexi kokaka rinoko ehenhla le ntshaveni? I Xikwembu xi endlaka matimu, na kuva Xikwembu xi hetisekisa vuprofeta. Kutani sweswo hi minkarhi hinkwayo swi koka rinoka. Swi tisa vasandzi hinkwavo, makoti (ya Hungu ra mixo lowu), na wonavu magama. Wa vona? Va hlengeletana kun'we ku ta kumisisa leswaku ku humelela yini. Van'wana va ta hi ku navela ku tiva, van'wana va tela ku xopa swihoxo, van'wana va tela ku sandza. Ku hlengeletanile tinxaka hinkwato, tani hilaha hi swi vuleke mixo lowu: vapfumeri, vapfumeri vo tiendlisa, na lava nga pfumeriki. Xana ku na yini entshaveni? Vuprofeta byi le ku hetisekisiweni. Sweswi hi ta vona leswi nga ta humelela.

⁴⁷ Sweswi, eBukwini ya Zakariya, eka ku avanyisa ka vu 9 na ndzimana ya vu 9. Zakariya, un'wana wa vaprofeta, u vulavurile a ri eMoyeni, a vula leswi.

Tsakani swinene, O vana va Sion; mi ba mikulungwani, O vana va Yerusalem: vonani, Hosi ya n'wina hi ley i taka eka n'wina: hi loyi a lulameke, ...

ni ku hlayiseka; i xisiwana, loyi a khandziyeke mbhongholo, ehenhla ka ximbhongholwana, xi nga ximbhongholwana xa xisati n'wana wa mbhongholo.

⁴⁸ Sweswi, xana xiphiko a kuri yini hi vatsari lavaya? Xana xiphiko a kuri yini hi vaprista lavaya? Xana xiphiko a kuri yini hi vanhu lavaya va vukhongeri? Leswi swi tsariwile mune wa madzana na makume nhungu-nkombo wa malembe swi nga se humelela, hi muprofeta loyi a tiyisisiweke, nakona se a swi vekiwile ematsalweni na ku vuriwa Bibele, matsalwa-songa ya Testamente ya Khale. Xana hikwalaho ka yini va nga kotanga ku swi vona leswaku sweswo a kuri ku hetiseka ka vuprofeta? I xivangelo xin'we kuva va nga swi voni na namuntlha. Va tekile Rito ra Xikwembu na ku ri endla Ri ngavi na ntikelo eka vanhu, hi ku dyondzisa (hi mukhuva) hi Dyondzo ya mikhuva ya vanhu.

⁴⁹ Ku ngaku loko vatsari, vachumayeri, tiministara, vavanuna va vukhongeri (va vitanisawa xisweswo), lava totiweke, ntsena a va lo hlaya Bibele, a va nga tava vari eku tivutiseni leswaku ku humelela yini, a va ta tiva leswaku i Yini. Xikwembu xi hetisekisa Rito ra Xona!

⁵⁰ Matimu a ya ri eku endlekeni, vuprofeta a byi ri eku hetisekeni. Ku ponisiwa ka misava a kuri eku fikeni, siku lerikulu leri vaprofeta hinkwavo a va ri languterile. Hinkwavo lava a va ri emasirheni a va yimerile siku rero (mina, ehleketa hi swona), hinkwavo lava feke, lavanene hinkwavo va ngati ya vaxanisawa na vaprofeta.

⁵¹ Leswi, A ha ku heta ku huwelela, “Yerusalem, O Jerusalem, loyi a khandlaka hi maribye vaprofeta hinkwavo lava Ndzi ku rhumelaka vona, na ku dlaya hinkwavo lava lulameke, i kangani laha A ndzi tava ndzi hlengeletile vana va wena kukotisa bya mbhaha, hilaha wu hlengeletaka swiciwana swa wona, kambe u a rile. Kambe sweswi awara ya wena yi fikile.”

⁵² Hinkwavo lava a vari emasirheni, Abraham, Isak, Yakob, vaprofeta hinkwavo, a va rindzele awara leyi.

⁵³ Kutani kereke a yi pfalekile mahlo eka Yona. “Xana i mani loyi a vangaka huwa leyi hinkwayo? Xana i mani Nakulorhi yaloye?” Va swi virile nkarhi wun’wana, “Xana a hi yena n’wana wa muvatli lahaya-ke? Ha N’wi tiva. Xana U byi kuma kwih i vutlharhi lebyi-ke? Hikwalaho ka yini, a hi N’wi voni a tihlanganisa na xin’wana xa swikolo swa hina. A hi tivi buku na yin’we leyi A kaleke a dyondza eka yona. Xana i Mani?”

⁵⁴ A ri nhlamulo ya vuprofeta bya muprofeta. Hi Loyi a taka, a khandziyle ehenhla ka n’wana wa mbhongholo. I rinoko ra njhani! Xikwembu a xi ri eku hetisekiseni ka Rito ra Xona ra xitshembhiso, awara leyi a yi yimeriwile ku sukela mune wa madzana ya malembe. Eka Geneza, ku avanyisa ka vu 3 na ndzimana ya vu 15, Xikwembu xi bvumbhile leswaku, “E Mbewu ya wansati yi ta faya nhloko ya nyoka, kambe nhloko ya yona yi

ta n'wi luma xirhendze," vuprofeta byebyo ku rhelela na Bibele lebyi bvumbhiweke hi ku ta ka Wanuna loyi.

⁵⁵ Na swona lahawani ka ha kuva na muprofeta loyi a yimeke exikarhi ka vona, loyi a tiyisisiwile kuva a ri muprofeta, Zakariya, kutani u urile, leswaku, "N'wina vana va Yerusalem na n'wina vana va Sion, tsakani, mi ba mikulungwani, huwelelani, hikuva Hosi ya n'wina hi ley i taka eka n'wina, hi loyi a rhuleke na ku tiyisa ehansi na ku titsongahata, loyi a khandziyeke n'wana wa mbhongholo."

⁵⁶ Kutani hi lava vanhu lavaya a va hlaya Matsalwa, siku na siku, va N'wi hlaleleke a ri ekuteni a khandziyile, kutani va huwelela, "I mani yaloyi?" Wa vona? Xikwembu a xi ri eku hetisekiseni ka Rito ra Xona eka vanhu lava a va fanele va tivile leswi a Ri ri swona, kambe a va Ri tivanga.

⁵⁷ Loko Xikwembu xi hetisekisa Rito ra Xona, Hi minkarhi hinkwayo swi koka rinoko, swi endla tano nkarhi hinkwawo. Swi koka rinoko, hikuva hi Leswi nga tollovelekangiki. A swi tollovelekanga, loko Xi hetisekisa Rito ra Xona eka maendlelo ya siku ra ximanguva lawa, hikuva maendlelo ya siku ra ximanguva lawa a ya pfumeli eka Swona. Va na ndlela ya vona vini.

⁵⁸ Sweswi, ha swi vona, kutani a hi tlheleleni aMatsalweni i vi hi teka tin'wana timhangu leti nga tollovelekangiki, ntsena eka timinetse tin'wana to engetelela, loko Xikwembu xi tava xi hetisekisile vuprofeta bya Xona. Loko Xikwembu xi vula swo karhi, Xi ya eku swi endleni. Matilo hinkwawo na misava swi ta hundza, kambe Rito rero ri ngaka ri nga hundzi. Swingaleswi Ri tshamela ku vanga mbono, mbono lowu nga tollovelekangiki.

⁵⁹ Xiyisisani hilaha Rito ra Xikwembu ri hlekisaka ha kona eka—eka vanhu lava a va fanele ku Ri pfumela, nakona hambi swi ri tano a Ri tollovelekanga hilaha va huwelelaka, "Hi swona, i yini leswi? Xana u swi kuma kwihi swilo sweswo? I mani loyi? I yini leswi?"

Loko, va fanele kuva va ri eku huweeleni, "Hosana eka Hosi ley i taka hi Vito ra Hosi!" Kambe a kova na ntlawu wuntsongo lowu endlaka sweswo, ntsena ntlawu wuntsongo.

Eka mune wa magidi ya malembe ya vuprofeta, ya nchumu lowukulukumba lowu a wu ta humeleta etikweni, hikuva ku tshembha hinkwako ka lava feke a ku tshamile ehenhla ka Wona, yumundzuku hinkwabyo a byi tshamile eka Wona; kutani vakhongeri, lava a va koxa leswaku va Wu pfumela, a va ri eku huweeleni, "I mani xana? Nakona i yini xikoka rinoko lexi?" Nchumu lowu nga tollovelekangiki! Wa ha fana, ntsena a wu cinci, na sweswi wa ha ri lowu nga tollovelekangiki.

⁶⁰ A hi voneni swin'wana swa leswi nga tollovelekangiki, tani hilaha ndzi nga ha ku swi vula. Xana a ku ri yini lexi a xi koka rinoko loko ku avanyisa ku nga se ba misava na ku yi herisa hi mati? Mukhalabya, wa kwalomu ka dzana na makume mbirhi wa

malembe hi vukhale, a ri eku akeni ka ngalava loko ku ngari na mati yo yi papamarisa kona. Kwale henhla malembe yo tala, a yimile enyangweni, a aka kuya ekule ka vundzeni, le ndzeni, na ku yi lema endzeni ni le handle, kutani a ku, "Misava yi ya eku mitiweni hi mati," nguva ya sayense leyikulu.

⁶¹ "Xana i ku belela ka yini loku ku nga le xigangeni?" "Hikokwalaho ka yini, i mukhalabya loyi vito ra yena ku nga Nowa, nakona u kwale henhla, bayizani wa khale. Mukhalabya loyi u yimile edyambyini nkarhi wo leha. U biwe hi dyambu. U hlangane nhloko. Kutani u le ku akeni ka lexi a xi vitanaka 'ngalava,' nakona u vula leswaku mati ya le kuteni ku suka ehenhla laha ku nga riki na mati, na swona ya ta papamarisa vanhu hinkwavo hinkwako-nkwako; nakona hinkwavo lava nga yingiseki hungu ra yena, na hinkwavo lava nga takva nga ngheni engalaveni, va ya eku nweleni. Xana mi kale mi swi twa sweswo?" A kuri ku koka ka rinoko loku nga tollovelekangiki!

⁶² Ndza swi anakanya loko vanhu va lava ku hleka, a va ya le henhla kutani va yima emahlweni ka nyangwa wa ngalava i vi va hleka. "Hikokwalaho ka yini, u te ku tava na mpfula dzana ra malembe lawa ya hundzeke! Kokwani wa xinuna u ndzi byerile leswaku u ku twile kona kwala u ri karhi u vula leswaku ku ta na mpfula, nakona wa ha ri eku gongondzeleni ka xiphemu lexahale xa rihunyi lahawani. Hikwalaho ka yini u nga tivuyeteli?"

⁶³ Kambe a kuri Xikwembu xi tilulamiselaka ku tiyisia xitshembhiso na ku hetisekisa vuprofeta lebyi endlwieke hi muprofeta wa Xona. A swi tollovelekanga! Xikwembu xi ri eku hetisekiseni ka xitshembhiso xa Xona eka Nowa, loko lavan'wana va ri eku hlekeni. Xikwembu nakambe a xi ri eku tilulamiseleni ka ku endla matimu yo komba van'wana, hambi kuri namuntla, leswaku Xa ha ri hlayisa Rito ra Xona! Swi ngari na mhaka hilaha swi tikombaka swi ngari swa xiviri, na kuva swi ngari leswi twisisekaka, Xa ha hlayisa Rito ra Xona. A xi ri eku endleni ka xikombiso, hi mukhalabya yaloyi a belela ngalava yaleyo, eka vanhu lava kwala eAmerika vusiku lebyi na le misaveni hinkwayo. Swi ngari na mhaka leswaku sayense yi ri yini, leswi va swi vulaka, *leswi, sweswo*, kumbe *leswin'wana*, Xa ha ri hlayisa Rito ra Xona. A xi ri eku endleni ka matimu.

⁶⁴ Xana i yini lexi a xi koka rinoko siku rin'wana; nchumu lowu nga tollovelekangiki wu humelerile le mananga, nakona a kuri xihlahla lexi pfurhaka. Kutani muprofeta loyi a ri eku balekeni a yimile kwale mananga. A nga kalanga a twa rito, a nga kalanga a twa mpfumawulo, kambe u langutisile i vi a vona nchumu lowu nga tollovelekangiki ehenhla ka ntshava. Xikwembu a xi ringeta ku koka rinoko ra yena. Swa ha fana na namuntla!

⁶⁵ Xikwembu a xi tilulamisela ku hetisekisa Rito ra Xona, hi muprofeta wa Xona Abraham, "Vatukulu va wena va ta ya luvela

etikweni rimbe ku ringana mune wa madzana ya malembe. Ndzi ta va humesa hi voko ra matimba.”

⁶⁶ Kutani a Xi ri eku lulamiseni ka wanuna leswaku a ta tirha, tani hilaha a Xi ri eku lulamiseni ka ngalava leswaku yi tava ndhawu ya vuhlayiseko eka hinkwavo lava nga ta pfumela. Xikwembu xi hisile xihlahla lexí hi ndzilo, nakona murisi loyi, Muxé, u te, “Ndzi ta rhendzeleka nyana ndzi vona leswi nchumu lowu nga tollovelekangki wu vulaka swona.” Kutani loko Xi yisile Muxé le xihlahleni, Xi vulavurile na Yena.

⁶⁷ Xana a kuri yini lexí nga vuya xi koka rinoko eholweni ya Pilato, loko murisi wa tinyimpfu loyi a tava a hoxile nhonga ehansi kutani yi hundzuka nyoka? Xikwembu a xi hetisekisa xitshebbiso xa Xona eka Muxé. Xana a ku ri yini lexí a xi koka rinoko eLwandle ro Fa, loko tihanci ta Faro hinkwato ti hlamarile, loko ti vonile moya wu xika hi le matilweni kutani wu ava Lwandle leri Feke ku suka exineneni kuya eximatsini; nakona ntlawa wa mahlonga ya swisiwana, ya ri karhi ya famba ehansi ka vulanguteri bya Xikwembu, ya tsemakanya emisaveni leyí omeke? A kuri yini xana? Xikwembu xi ri eku hlayiseni ka Rito ra Xona. Ku fa ku yile ekule, vanhu lava hanyaka va tsemakanya; kutani vanhu lava feke eximoyeni va ringetile ku swi encenyeta, kutani va fa. Xikwembu xi hetisekisa vuprofeta na ku endla matimu. Sweswo a kuri leswi kokaka rinoka eLwandle leri Feke.

⁶⁸ Xana a kuri yini lexí a xi koka rinoko hi siku leri landzelaka endzhaku ka sweswo, eNtshaveni ya Sinai, loko vanhu hinkwavo va lerisiwile ku va ngayi eka vavasati va vona, loko va komberiwile ku hlantswa swiambalo swa vona na ku tikwetsimisa, kutani va hlengeletana entshaveni laha wanuna loyi vito ra yena ku nga Muxa a vuleke leswaku u hlanganile na Xikwembu eLangavini ra Ndzilo? Nakona Xikwembu xi teri eka Muxé, “Ndzi ta xikela exikarhi ka vanhu. Ndzi ta ya tiyisisa leswi Ndzi ku byeleke swona, na leswaku hi Mina Mani. Ndzi ta va komba leswaku hi Mina Xikwembu xexo.” Sweswo hi swona leswi a swi koka rinoko, Xikwembu xi ri eku hetisekiseni ka Rito ra Xona.

⁶⁹ Xana a kuri yini lexí a xi koka rinoko siku rin’wana eka matimu, laha tiko a ri rivele hi Xikwembu, laha vanhu a va hundzukile lavo tikota na ku honisa, laha vaprista a va fambile na maendlelo ya ximanguva lawa, vaprofeta a va profeta hi kuya hi ku rhandza ka vaprista? Nakona hi siku rero, tani hi ntoloveló, a vari na mukhalabya loyi a va ehleketa leswaku a ri bayizani. A vulavula hi vavasati lava toleke pende, na hinkwaswo, nakona a ri muxaka wa vanhu vo ka va nga tollovelekanga. Kute loko mukhabya loyi a rhelerile kutani a byela hosi a ku, “Hambi kuri mberha yi ngaka yi nga vitani...ku wa kukondza ndzi yi vitana.”

⁷⁰ Kutani hi kuma leswaku, endzhaku, leswaku a titumbetile na ku tsutsumela ekule na swona, nakona a tumberile kun'wana le mananga. Vanhu lavan'wana a va ehleketa leswaku u sikile hi ndlala a fa kumbe a lova; kambe a ri eku phameriweni kahle ngopfu, a tlhela a nyikiwa mati, na wonavu. Kutani hi loyi, a rhelelaka na ku vula leswaku, "Xana wa swi vona leswaku ndzi na LESWI HOSI YI SWI VULAKA? Sweswi, loko u nga se swi kholwa, a hi yi le henhla ka ntshava kutani hi ya khorwisana leswaku Xikwembu hi xihi," hikuva u vile na xivono xin'wana ku suka ka Hosi.

⁷¹ U te, "Tihlawuleleni e—e altari, kutani mi yi endla, nakona—nakona mi hlawula nkuzi kutani mi yi dlaya. Ndzi ta endla altari ya Hosi, kutani na minavu ndzi ta vekela nkuzi eka ya mina. Ha vumbirhi bya hina hi ta endla gandzelo, kutani hi pfumelela Xikwembu lexi nga Xikwembu xi hlamula." A tava na swintsongo a nga swi endlanga sweswo loko Hosi a yi nga n'wi byelanga; u vule tano endzhaku ka swona, "Ndzi endlile leswi hi . . . hinkwaswo leswi, hi ku lerisa ka Wena, Hosi."

⁷² Kambe xana i yini lexi kokaka rinoko? Xi na mune wa madzana ya vaprista lava yimeke exigangeni, na hosi yi ri kwale henhla egolonyini ya yona, na hinkwato tinguvu ta yona ta nyimpi na varindzi va yi rhendzerile. Nakona loyi wa khale, wa wulu, wanuna wa xikandza xa voya, wa nhloko ya mpandlha, na misisi leyi ncikinhyaka ehenhla ka xikandza xa yena, xitlakati xa dzovo ra nyimpfu xi tlhandlekiwile emirini wa yena, na misisi emirini wa yena hinkwawo, a yimile kwalahaya na nhonga evokweni ra yena, na bodlela ra mafurha evokweni lerin'wana; loyi a ha ku vula, malembe ya nharhu na hafu ku nga se fika sweswo, "Hambi yi ri mberha yi ngaka yi nga wi kukondza ndzi yi vitana, eka yona," a teka ndhawu ya Xikwembu, na swilo leswo tani hi malayiti ya xirhendzevutana na mindzhuti, na hinkwaswo leswi va vulavulaka hi swona. "Kutani hi loyi bayizani lowa khale a yimeke le xigangeni, a nga eku tiseni ka vanhu lava hinkwavo kwale henhla." Xana i yini lexi a xi koka rinoko? A kuri Xikwembu xi lulamiselaka ku tiyisisa kuva muprofeta wa Xona a ri wa ntiyiso. A kuri Xikwembu xi hetisekisaka vuprofeta. Xikwembu nakambe xi ri ku endleni ka matimu, xi hetisekisa Rito.

⁷³ Madzana ma ngari mangani ya malembe endzhaku ka sweswo, a kuri na wanuna loyi a totiwile hi Moya lowu fanaka, nakona u tile a huma enhoveni, a nga tihlanganisinga na vandla na rin'we; hambi leswi papa wa yena a ri wanuna wa vandla, muprista hi xiyimo. Kambe u tile a huma enhoveni, a ambarile dzovo ra nyimpfu emirini wa yena, na misisi exikandzeni xa yena hinkwaxo. Ematshan'wini yova ya mpun'wa, a yiri ya ntima. Xana a kuri yini xikoka rinoko xa wanuna loyi lexi a xi koka rinoko ra Yerusalem hinkwaro na Yudiya ke? Van'wana va vona a va huma kutani va ku, "Ku na wanuna wa nhova le hansi. U

le ku ringeten i ka ku nwerisa vanhu ematini. I mani loyi a nga tshama a twa hi nchumu wo tani hi walowo?”

⁷⁴ Van’wana a vari eku tivutiseni, va ri karhi va ku, “Loyi u tava a ri Mesiya.” Un’wana wa vona a ku, “Ku ngava kuri un’wana wa vaprofeta.” A va nga xi tivi lexi va nga xi ehleketa. Kambe a kuri yini xana? A kuri Xikwembu xi hetisekisaka Esaya 40, laha Xi vuleke leswaku, “Vonani...” leswi a Xi ta swi endla emasikwini yo hetelela, hilaha a Xi ta rhumela nandza wa Xona na leswi a ta swi endla.

⁷⁵ Kutani hi kuma leswaku, mavhiki ma ngari mangani endzhaku ka sweswo, wanuna yaloye a ri na ntiyiso hi hungu ra yena, ku kondza a ku, “Ku na Un’wana loyi a yimeke exikarhi ka n’wina, Loyi ndzi nga fanelangiki ku khumbha tintanghu ta yena. U ta mi khuvula hi Moya lowo Kwetsima na Ndzilo, tani hi leswi ndzi mi khuvuleke hi mati.”

⁷⁶ Siku rin’wana leri tolrevelekeke, Jaha, kwalomu ka makume nharhu wa malembe hi vukhale, u rhelerile kutani a ya khuvuriwa. Kute loko Wanuna loyi a ya, ku vile na xikoka rinoka xo karhi eka muprofeta, muprofeta u vile na swendlo leswi nga tolrevelekangiki siku rero. Nhlengeletano a yi nga koti ku ti khoma hi ku vona swendlo swa muprofeta yaloye.

⁷⁷ Loko a ri karhi a njhekanjhekisana na vaprista entsungeni wa nambu, va te, “Xikwembu xi akile altari leyi. Xikwembu xi hi byerile ku endla leswi. Muxé i muprofeta. Hi pfumela Muxé. Gandzelo ri ngaka ri nga herisiwi.”

⁷⁸ Onge ndza n’wi twa Yohana a hlamula, a ku, “Xana a mi swi hlayanga eMatsalweni leswi muprofeta Daniel a swi vuleke, ‘Gandzelo ra masiku hinkwawo ri ta herisiwa?’ Swingaleswi awara yaleyo yi fikile! Xana a mi hlayanga leswi Esaya a swi vuleke eka ku avanyisa ka vu 40, ‘Rito ra loyi a huwelelaka emananga, lunghisani ndlela ya Hosi?’ Ku na vuprofeta byi mbirhi ha mina. Nakona nchumu wun’wana, xana a mi n’wi lemukanga muprofeta wa hina eka mune wa madzana ya malembe lawa ya hundzeke, Malakiya, loko a vulavurile eka ku avanyisa ka vu 3 a ku, ‘Vonani, Ndzi ta rhuma ntsumi ya Mina emahlweni ka Mina, yi ta lunghisa ndlela?’ Xana a mi swi tivi leswaku leswi swi hetisekisa vuprofeta?” Vuprofeta a byi ri eku hetisekeni!

⁷⁹ Hi nkarhi walovo muprofeta u hundzulukile kutani a ku, “Vonani, hi xexo Xinyimpfana xa Xikwembu lexi susaka xidyo ho xa misava!” Xana i yini lexi kokaka rinoko sweswi? Swi cincile ku suka eka muprofeta kuya eka vuprofeta bya yena.

⁸⁰ Xiyisisani leswi nga ta humelela sweswi. Hi loyi a tako Wanuna wo tolreveleka, a nga tiviwi hi munhu, n’wana wa muvatli, u tile a huma ematini. Loko Yohana, muprofeta lonkulu, a te, “Hi mina ndzi faneleke ku khuvuriwa hi Wena. Hikwalaho ka yini Wena u ta eka mina xana?”

⁸¹ A ku, “Pfumelela sweswo swi va tano. Kambe, tani hi muprofeta na Rito, swi hi fanerile ku hetisekisa leswo lulama hinkwaswo.”

⁸² Swingaleswi u swi twisisile leswaku Gandzelo ri fanele ku hlantswiwa loko ri nga se humesiwa, kutani u N’wi khuvurile.

⁸³ Sweswi ku vile na xikoka rinoko xin’wana lexi humeleleke loko A ta huma ematini. Muprofeta loyi a veke lowo tshembheka ku vula vukhale bya yena na nkarhi, u langutile ehenhla kutani a vona matilo ya pfuleka. U vonile Moya wa Xikwembu, wu fana na tuva, wu xikela ehenhla ka Yena, kutani Rito ri ku, “Loyi i N’wana wa Mina loyi Ndzi N’wi tsakelaka.” Xikwembu a xi ri eku tiyisiseni ka hungu ra muprofeta, leri a ri koka rinoko eJordan.

⁸⁴ Boti a ri eku yimbeleleni ku ngari khale, kumbe a fenele ku yimbelela, “Entshaveni ya le kule ku yimile xihambano xo gwanya xa khale.” Xana i yini lexi kokaka rinoko eNtshaveni ya Xihambano? Loko hi vona misava ya swa vukhongeri yi N’wi avanyisile, na swona mfumo wa Rhoma wu N’wi avanyisile rifu. Nakona hi Loyi a lenga-lengaka exikarhi ka swigevenga, a twa torha ra swo nwa, Ngati yi ri eku khulukeni yi huma emirini wa Yena. Hi Luya a lenga-lengaka, a ri karhi a rila, “Xikwembu xa Nga, Xikwembu xa Nga, U Ndzi tshirekele yini?” Kutani vakhongeri lava a va yimile kwalahaya, va langutisile, a va nga swi tivi leswaku vuprofeta bya Testamente ya Khale a byi ri eku hetisekeni lahaya eXihambanweni hi nkarhi walowuya.

⁸⁵ Davhida hi yexe u tsarile, u endlile . . . u werile eMoyeni ku kotisa vaprofeta hinkwavo, a endla onge a kuri yena. Davhida a rila, eka Tipisalema ta vu 22, “Xikwembu xa nga, Xikwembu xa nga, U Ndzi tshirekele yini? Marhambu ya Mina hinkwavo ya Ndzi honokerile. Va tlhavile swandla swa Mina na mikondzo ya Mina.” Davhida, a vulavula onge a kuri yena. Na swona a ku ngari Davhida, a kuri Kreste eka Davhida.

⁸⁶ Kutani lahwani byona vuprofeta lebyi vuriweke, bya hinkwavo vaprofeta vo hambarana, a byi ri eku hetisekisiweni eNtshaveni ya Xihambano. Xana i yini lexi kokaka rinoko eNtshaveni ya Xihambano? I Xikwembu xi hetisekisaka Rito ra xona.

⁸⁷ Xikoka rinoko xin’wana lexi a xi ri entshaveni, a xi ri hi Siku ra Pentekosta, loko hinkwavo ka vona va ri kwale nkhubyeni wa vukhongeri, va ri karhi va ehleketa leswaku va va hetile vabayizani hinkwavo. A va twanga nchumu hi vona ku ringana khume ra masiku. Hi xitshuketani, tani hi xisaka xa tinyoxi, va phohlile hi le henhla ka muako, va ya ehandle eswitarateni, va ri karhi va huwelela na kuya emahlweni.

⁸⁸ “I yini leswi? Swi vula yini leswi? Xana vanhu lava hinkwavo va pyopyiwile?”

⁸⁹ Vonani! Kutani muprefeta u yimile exikarhi ka vona, tani hilaha xiyimo xa muprefeta xi faneleke kuva xiswona, ivi a ku, “Vavanuna va Israel, na n’wina vaaki va Yudiya, eYerusalem, tivani leswi, nakona mi yingisa swinene marito ya mina. Vanhu lava a va pyopyiwanga hilaha mi anakanyaka ha kona. Kambe hi leswi Hosi yi swi vuleke hi Yoel, wa muprefeta, ‘Swi ta humeleta hi masiku ya makumu, Ndzi ta chela nyama hinkwayo hi Moya wa Mina.’” Sweswo hi leswi a swi koka rinoko.

⁹⁰ Vanhu va swa vukhongeri, endzhaku ko vamba Hosana ya Vutomi, na hinkwaswo, va tamile va ngari ku xi voneni xitshembhiso xa ku vuya ka Moya lowo Kwetsima. Lexi kokaka rinoko, “I mani loyi? Swi vula yini leswi? Xana xiphiqo xa vanhu lava i yini?”

⁹¹ Oho, mina! Swa fana na namuntlha. Hi ta hundza swo tala swa swona ku swi fikisa eka awara ley. I nchumu lowu fanaka namuntlha. Nchumu lowu fanaka wu le ku humeleteni. Xivutiso lexi fanaka xi le ku vutisiweni. “Xana huwa ley hinkwayo i ya yini?” Va languta ehenhla na le hansi ka switarata, timovha ku suka eMichigan kuya eFlorida, ku suka eMaine kuya eCalifornia. Mixo lowu loko ndzi ri karhi ndzi khandziya, kumbe ni nhlekanhi, a hi ri eku rheleleni hi xitarata, mina na nsati a hi ri eku languteni ka mintsariso ya timovha. Hi kona laha ndzi ehleketeke hi tsalwa leri.

“Xana swi vula yini leswi?”

⁹² Ntsena tani hilaha Ri swi vuleke, “Laha Ntsumbu wu nga kona, hi laha magama ya nga ta hlengeletana kona.”

⁹³ Ndzi byerile nsati wa mina, “Nkatanga, wa tsundzuka vusiku bya tolo loko ndzi tava ndzi fanele ku lela hinkwavo lava rhandzekaka ka mina emisaveni, kutani ndzi ya emasin’wini ku ya sungula swin’wana leswi Xikwembu xi nge te ndzi swi endla? U yimbelerile risimu rero.”

Oho, va ta va huma eVuxeni na le Vupela-dyambu,
 Va huma ematikweni ya le kule,
 Ku ta tlangela na Hosi ya hina, ku ta dya tani
 hi vaendzeri va Yona;
 Hilaha vaendzeri lava va katekeke ha kona!
 Ku vona xikandza xa Yona lexi
 kwetsimisiweke
 Lexi vangamaka hi rirhandzu ra Matimba;
 Vaaveriwa lava katekeke va tintswalo ta Yona,
 Tani hilaha maribyi yo hlawuleka ya nga ta
 vangama exiddlodlweni xa Yona.

⁹⁴ Sweswo hi leswi kokaka rinoko. Mbewu ya Xikwembu ley i hlawuleriweke emahlweni ley i nga taka yi nga endli nchumu handle ko Swi landzela, swi leswi tlulaka vutomi eka hina. U nga teka vutomi bya hina, kambe Sweswo u ngaka u nga swi teki.

Xana i yini lexì kokaka rinoko? Xikwembu, tani hi ntolovelò, xi hetisekisa Rito ra Xona. Xi le ku hetisekiseni ka Rito ra Zakariya nakambe, ra muprofeta Zakariya.

⁹⁵ Laha ndzi nga hlaya ndzimana ya vu 9 ku ngari khale ngopfu, loko Yesu a nghena etempeleni ya Yena, a khandziyile... kumbe ku nghena eYerusalem, a khandziyile lexintsongo, ximbongholwana xo basa, vuprofeta lebyi Zakariya a byi vuleke byi hetisekile. Hi Lebyi, "Tsakani swinene, O vanhwana va Sion. Mi ba mikulungwana, O vanhwana va Yerusalem. Vonani, Hosi ya n'wina hi leyi taka eka n'wina; hi Loyi a lulameke, nakona u na ku hlayiseka; i xisiwana, loyi a khandziyeke mbhongholo, xi nga ximbongholwana xa xisati n'wana wa mbhongholo." Sweswo hi leswi a swi koka rinoko eYerusalem, entsindza wa swa vukhongeri.

⁹⁶ Sweswi hi vona leswi nga ta humelela hi siku ra makumu! Ntsena a hi pfuleni mapheji ma ngari mangani, eka Zakariya, kutani hi vona leswi a swi vuleke mayelana na swona. A hi yi hundzuluxeleni eka masiku yo hetelela sweswi. Liya a kuri nguva ya le xikarhi; a hi hundzulukeleni eka masiku ya makumu sweswi. Kutani a hi pfuleni eka Zakariya, ku avanyisa ka vu 14, nakona hi sungula hi ndzimana ya vu 4. Kutani mi yingisa! Na swona hi ya eku hlayeni ka xiphemu xa Matsalwa, kwalomu ka tindzina ta nkaye, ku sukela eka 4 kuya eka 9. Yingisani hi vukheta. Nakona yi profeta hi ku Vuya ka Yena, masiku ya makumu. Yingisani hi vukheta sweswi. Leswi hi LESWI HOSI YI SWI VULAKA. I Matsalwa, Zakariya 14. Ma yi tsundzuka Zakariya 9, leswi Yi swi vuleke xana? Nakona a va Yi lemukanga. Sweswi i yini namuntlha? Zakariya 14, yi vulavulaka hi ku Vuya ka Yena.

Kutani milenge ya yena yi ta yima hi siku rero ehenhla ka ntshava ya Mitlhvari, nakambe, leyi nga kusuh na Yerusalem hi tlhelo ra vuxa, kwalahaya ntshava ya Mitlhvari yi ta phemeka ku sukela exikarhi ku yisa evuxeni ni ku yisa evupela-dyambu, ku ko ku humelela nkova lowukulu;...tlhelo rin'wana ra ntshava ri ta tshinetiwa ku yisa en'walungu, kutani tlhelo...ku yisa edzongeni.

Kutani mi ta tsutsumela enkoveni wa tintshava; hikuva nkova wa tintshava wu ta fika e Atsel: kunene, mi ta tsutsuma, kukotisa loko mi tsutsuma hi masiku ya ku tsekatseka ka misava hi masiku ya Ozias e hosi ya Yuda:...

⁹⁷ Ku tsekatseka kun'wana ka misava ku pandza misava yi pfuleka! Loko mi lava ku landzelerisa Matsalwa lahwani, xiyisisani eka ndzimana ya vu 5, yi vula leswaku ku phemeka ka Ntshava ya Mitlhvari swi vangiwe hi ku tsekatseka ka misava, nakona leswi swi tiyisisiwile hi Esaya 29:6 na Nhlavutelo 16:9.

Ha kunene! Xana i yini? Muprofeta yaluya a vuleke ta ku Vuya ka Yena, u vonile ta ku Vuya ka Yena ra vumbirhi. Xiyisisani, “Ku kotisa hi masiku ya ku tsekatseka ka misava.” Ma swi vona leswi ku tsekatseka ka misava ku endlaka swona? Ma ku vona ku bvumbhiwa ka kona?

...kutani Hosí Xikwembu xa n'wina u ta ta, a ri na vakwetsimi va yena hinkwavo.

Kutani swi ta humeleta hi siku rero, (haleluya) hi siku rero, leswaku ku vonakala a ku nga vi kona, kumbe munyama:

Kambe ri tava siku ri ri rin'we leri...siku ri ri rin'we leri tiviwaka hi Hosí, a ri ngavi nhlekanhi, ni loko byi ri vusiku: kambe swi ta humeleta, leswaku hi nkarhi wa na madyambu ku vonakala ku tava kona. (O Xikwembu!)

⁹⁸ “Ku Vonakala ku tava kona hi nkarhi wa ni madyambu,” muprofeta un’we. Nakona vanhu va pfalekile mahlo! Xana i yini lexi kokaka rinoko? A hi hløyeni tindzimana ti ngari tingani.

Esikwini rero, mati lama pfelelaka ma ta huma ku suka eYerusalem; man'wana ya wona ma khulukela elwandle ra le vuxeni, kutani man'wana ya wona... ma khulukela elwandle ra le vusikwini: swi tshama swi ri tano hi rihunga na...vuxika. (Evhangeli yi ya emahlweni; ha vumbirhi eka Vayuda na Vamatiko.)

Kutani YEHOVHA u tava hosi ya...misava hinkwayo: hi siku rero, YEHOVHA u tava un'we, na vito ra yena ri va rin'we.

Ku tava na ku Vonakala hi nkarhi wa ni madyambu, (hi swona)
 Ndlela yo ya eVukwetsimelweni hakunene u ta yi kuma;
 Endleleni ya mati ku na ku Vonakala namunthla,
 Fihliwani hi Vito ro hlawuleka ra Yesu.
 Lavantsongo na lavakulu, hundzukani evudyohweni bya n'wina hinkwabyo,
 Hakunene Moya lowo Kwetsima wu ta nghena endzeni;
 Ku Vonakala ka ni madyambu ku fikile,
 I ntiyiso leswaku Xikwembu na Kreste i Un'we.

Ma ku vona laha hi nga kona?

Matiko ya fayeboleka, Israel ri le ku pfukeni,
 Masingita lawa vaprofeta va ya bvumbheke;
 (ku tsekatseka lokuya ka misava eka
 Vamatiko hi siku ra makumu)
 Masiku ya Vamatiko ya pimiwile, hi swikomu
 leswi tlhaveke;
 Tlhelelani, n'wina mi hangalekeke, eka va ka
 n'wina.

⁹⁹ N'wina lava hlongoriweke, kutani tiareka leti ti rhwariwa
 hi tigolonyi tintshwa, humani kwalano mi nga se biwa hi rifu.
 Xikwembu xi Swi tiyisisile. Swi tava tano.

¹⁰⁰ A hi pfuleni eka Matsalwa yan'wana eka Testamente ya
 Khale, Malakiya ku avanyisa ka vu 4, kutani hi hlaya ku avanyisa
 loku ntsongo ka vu 4.

...*vonani, siku ra ta, leri hisaka ku fana na ndzilo
 wa xitiko; kutani vatikukumuxi hinkwavo, kunene, . . .
 hinkwavo lava endlaka leswo biha, va ta kotisa byanyi
 bya ku oma:* . . .

¹⁰¹ Sweswi, leyi a hi . . . Yaleyi i Malakiya 3, a kuri ku ta ko
 sungula, sweswi hi loku ku vuya loku landzelaka. Hambi kuri
 Dokodela Scofield lahwani, a ndzi pfumelelani na yena eka
 vuxokoxoko bya yena, kambe u swi vekile kahle lahwani.
 "Xileriso xa Yohana," kuya eka Malakiya 3; na, "Ku Vuya ra
 vumbirhi ka Kreste," na Eliya hi le mahlweni. Hi swona.

...*vatikukumuxi hinkwavo va ta hisiwa, ku vula
 YEHOVHA wa mavandla, nakona a ku nga siyiwi timintsu
 hambi kuri rhavi.* (Kutani ti kwihhi tihelie hilaha ku nga
 "Heriki" xana?)

*Kambe loko mi ri n'wina lava chavaka vito ra mina
 Dyambu ra ku lulama ri ta huma ri ri na mapfhumba
 ya ku hanyisa, ku hanyisa etimpikwini ta rona; . . . mi ta
 huma, kutani mi kula; kukotisa marhole ya le tshangen.*

*Kutani mi ta kandziyela vabihi; . . . va ta fana na
 nkuma ehansi ka mikondzo ya milenge ya n'wina
 esikwini leri ndzi nga ta endla leswi, ku vula YEHOVHA
 wa mavandla.*

*Tsundzukani . . . nawu wa Muxe nandza wa mina,
 lowu ndzi wu leriseke . . . ha yena eHoreb eka Vaisrael
 hinkwavo, . . . nawu na ku lerisa.*

¹⁰² Hi loku ku vuya ka Eliya.

Vonani, ndzi ta mi rhumela muprofeta Eliya . . .

¹⁰³ Matsalwa yo hetelela yo pfala eka Testamente ya Khale!

...*Ndzi ta mi rhumela muprofeta Eliya ku nga se fika
 ku ta ka siku rero lerikulu lero chavisa ra YEHOVHA:*

¹⁰⁴ Sweswi, yaloye a nga tava a ri Yohana. Ee. Wa vona, misava a yi nga se hisiwa nakona lava lulameke a va nga se kandziyela vabihi. Wa vona? Ee, ee.

...ku nga se fika *siku lerikulu lero chavisa ra YEHOVHA:*

U ta tlherisela timbilu ta vatatana eka vana va vona, na timbilu ta vana eka vatata wa vona, leswaku ndzi nga tshuki ndzi ta kutani ndzi ba tiko hi ku ri lovisa.

¹⁰⁵ Xiyisisani nkotlaniso wa Moya lowo Kwetsima, kuva Wu nga ku hlanganisi ku vuya loku ku mbirhi ka Eliya. Malakiya 3, yi te, “Vonani, Ndzi ta rhuma ntsumi ya Mina emahlweni ka Mina.” Yesu u vutisiwile hi mayelana na Yohana; A ku, “Loko mi rhandza ku swi amukela, hi yena loyi muprofeta a nge te, ‘Ndzi ta rhumela ntsumi ya Mina emahlweni ka Mina.’ Loyi hi yena Elias loyi a faneleke ku ta.” Malakiya 3.

¹⁰⁶ Xiyisisani hilaha Matsalwa ya swi vekaka hi ku kotlanisa ha kona. Vonani leswi swi...ku kombisa...lava lavaka ku pfumela, lava lavaka ku vona. Tsundzukani, Yesu u yimile exikarhi ka Matsalwa, hikuva xiphemu xa wona a xi hetisekile, laman’wana hinkwawo ya ku Vuya ka Yena ra vumbirhi? “Ku ta chumayela hi lembe lerinene ra Hosi, ku horisa va timbilu leti tshovekeke,” ivi a yima; ku ngari “ku tisa ku avanyisa eka Vamatiko” ku kondza A Vuya ra vumbirhi.

¹⁰⁷ Xiyisisani hilaha Matsalwa lahawani ya nembelelaka na sweswo. “Kutani yena, Eliya, u ta tlherisela timbilu ta vatatana eka vana.” (Ku vulavula hi Malakiya 4 sweswi, ku ngari ku yi hlanganisela, kumbe Malakiya 3.) Yohana, Eliya, loyi a teke hi masiku lawa a ku nga se va na ku ta ka Kreste, u tlheriserile timbilu ta vapatriyaka va vatatana va khale eka hungu ra vana, hungu lerintshwa.

¹⁰⁸ Swi languteni. “Na timbilu ta vana eka vatatana.” Eka ku vuya ka yena ravumbirhi, emasikwini ya makumu, u tincincela endzhaku eka Ripfumelo ra xiapostola nakambe. Ma swi vona leswaku Matsalwa ya fola njhani hi ku hetiseka?

¹⁰⁹ Ya lawa a ya ri makumu ya Testamente ya Khale, Testamente ya Khale. Sweswi ha swi vona leswaku ku na ku Vonakala hi nkarhi wa na madyambu. Xana Ku yini? I nhlohlorhi, Ntshava ya nhlohlorhi ya Nsinya.

¹¹⁰ Tani hilaha ndzi vuleke mixo lowu, hi tile hi tidinominexini, ku rhelela (ku ngari nsinya wa mulamula) tani hilaha ndzi vulavuleke hi wona mixo lowu, kambe hi vile na bambalakuza, swikwawava, tinxaka hinkwato ta leswin’wana leswi a swi ngari tano emasunguleni. Kambe endzhaku... Mi nga Ri hupi. Hi leri Ri landzelaka. Endzhaku ka hinkwaswo tidinominexini ti tlangile, a tikalanga tiva na ku Vonakala ku sungula hi swona, ku tava na siku leri ri nga tava ri ngari nhlikanhi kumbe vusiku.

¹¹¹ Xana va endla yini? Xana va endla yini? Xana e—e xikwavava xi endla yini ensinyeni wa mulamula? Swi teka vutomi xidzi bya lamula lebyi byi humelelaka kutani swi byi encenyeta hi xikwavava. Sweswo hi leswi tidinominexini ti swi endleke eka Rito ra Xikwembu, ti endla Rito ra Xikwembu leswaku ri ngavi na ntikelo hi mindhavuko ya vona. Sweswo HI LESWI MOYA WA HOSI WU SWI VULAKA. Va tisile swikwavava, mabambalakuza, ku ngari malamula.

¹¹² Kambe muprofeta u teri yini? Yena yaloyi a nga vula eka tsalwa ra hina vusiku lebyi, “Tsakani, O vanhwennyana va Yerusalem, huwelelani, vanhwennyana va Siyoni, hikuva Hosi ya n’wina yi le ku teni eka n’wina, hi ku olova na ku ku titsongahata, yi khandziyile ximbhongholwana,” lemukani muprofeta yena yalo耶 u teri, “Ku ta fika nkarhi wo vupfa.” Dyambu ri vekiwile emisaveni ku vupfisa muhandzu. Hikokwalaho ka yini wu nga vupfi xana? Ku hava muhandzu lahaya wo vupfisiwa. Kambe Vutomi hambi swi ri tano bya ha ya emahlweni.

¹¹³ Wu humile hi bambalakuza, leswaku wu va lamula, wu kumeka wu ti kondletela; a wuri bambalakuza. Wu fambile nakambe, wu hlomukile hi nkarhi walowo wuri xikwavava. Wu ya emahlweni nakambe, wu vuya wu ncincela eka swin’wana. Nakona eku heteleleni, enhlohhlorhini wa nsinya, wu ncincile wu va tanjelo, lexi nga hafu ya lamula, hafu ya xikwavava; leswi nga hlanganisiwa hi ku temiwa, nchumu lowu nga encenyeitiwa; wu humelela leswaku wu ta encenyeta, wu hanya kufana na nsinya walowo; xikhamba, “wu ta hambukisa na vona Vahlawuriwa.” Wu languteka ku fana na lamula, kambe a hi rona.

¹¹⁴ “Kambe ku Vonakala ku tava kona,” loko a kula ku hundza vandla. Loko a ta humela ehandle a hundza vandla, wu biloma nakambe, u ta tswala malamula kukotisa loko a ta nghena emisaveni ehansi, nakona kwalaho ku tava na ku Vonakala.

¹¹⁵ Xana i yini lexi kokaka rinoko leri; i ncini leswi swi humelelaka? Ku hetisia Rito ra Xikwembu. Ku na timbhoni timbirhi ta Testamente ya Khale, ta leswaku leswi swi ta humelela.

¹¹⁶ A hi tekeni Yohana 14:12, ya Testamente Leyintshwa, Yesu u teri.

...Loyi a pfumelaka eka mina, mintirho leyi Ndzi yi
endlaka u ta yi endla na yena; ...

¹¹⁷ Nakambe, eka Luka 17:22 ku fika eka 30, U teri.

Tani hilaha a swi ri hakona emasikwini ya Lot, loko Sodoma, ri nga se hisiwa, swi tava tano loko N’wana wa munhu a vuya, hi siku leri N’wana wa munhu a nga ta paluxiwa hi rona.

¹¹⁸ Oho, ntsena langutani Matsalwa! “N’wana wa munhu,” Yesu Kreste loyi a nga wa tolo, namuntha, na hilaha ku nga heriki,

u kurile ku hundza tidinominexini, a kulela enhlohlhorhini wa Nsinya. Xana U te yini eka Yohana 14, kumbe 15? "Rhavi rin'wana na rin'wana leri ri nga eka Mina, leri ri nga tswariki muhandzu, ri ta tsewiya ri suka ri tsheniwa, ri hoxiwa endzilweni ri hisiwa. Kambe rhavi rin'wana na rin'wana leri ri nga ta tswala muhandzu, ri ta hlayiseka."

¹¹⁹ Oho, ku tava na mpfula ya ntiyiso ya xirimu na ya rihunga emasikwini ya makumu ehenhleni ka xintlawani xexo lexi xi taka na Yena eka ximbhongholwana lexi, wo ti yisa hansi na ku titsongahata, ku hava mbho-...kumbe dinominexini, leyi huwelelaka, "Hosana eka Hosi leyi yi taka hi Vito ra Hosi!" Mhaka i yini namuntlha? Xana i yini lexi kokaka rinoko entshaveni?

¹²⁰ Ku ngari khale, loko ndza ha yimile eka phulphiti leyi, swi vuriwile hi Moya lowo Kwetsima leswaku, "Siku ri ta fika laha loko va belela mhandzi emahlweni ka yindlu ya wena; va nga susa gede ya wena. Swingaleswi, leswaku, u ta yi tsemekanya, u nga khunguvanyeki." Ndzi vonile gede ya mina yi handzukile yi ya tsrama ethelweni ra xiganga. Ndzi vonile xiganga xi ri emahlweni ka mina, xi ceriwile, tibodo na swin'wana swi pavalarile lahaya laha swin'wana swi nga xi faya. U teri...

Ndzi langutile, nakona akuri na Ricky lontsongo loyi a nga ya kwalahaya a fika a ba gede yaleyo yi suka, u endle leswi. Ndzi ku, "Hikokwalaho ka yini u nga ndzi byelanga?" U ringetile ku ndzi tlharihela, nakona a ndzi fanele hi ku n'wi ba. Nakona loko swi tava swi endlekile, ndzi ku, "A ndzi swi endlanga leswi kusukela loko ndza ha ri erhingini, kambe ndzi lava leswaku u swi tiva," nakona ndzi n'wi himile kan'we. Kutani loko ndzi tava ndzi n'wi tlatlalaterile ehansi, ndzi n'wi pfuxile nakambe ndzi tlhela ndzi n'wi tlatlalatela ehansi nakambe. Ndzi n'wi pfuxile, ku ringana ka nharhu kumbe ka mune, kutani ndzi n'wi rahela exigangeni. Swingaleswi hiloko ndzi ya kwalahaya, kutani ndzi ku, "Sweswo a hi swona." Kutani ndzi n'wi yimisile ndzi dzudza mavoko ya yena, ndzi ku, "A ndzi holovi na wena, kambe ntsena ndzi lava leswaku u swi tiva leswaku a wu nge vulavuli na mina tani hi sweswo."

Kutani loko ndzi hundzulukile ndzi vuyela endzhaku, Moya lowo Kwetsima a wu yimile kwalahaya egedeni, wu ku, "Sweswi tsemakanya leswi. Loko mhandzi yaleyo yi tava yi beleriwile, u hundzulukela evupela-dyambu."

Buku leyи, hinkwaswo leswi ndzi swi lavaka,
 Buku leyи i Rhisipi ya kahle,
 Ndlela leyи yi kombisaka ku hundza
 ekhombyeni ra mina. Amen!

¹²¹ Nakona Buku yaleyo i Rito, nakona Rito rero i Xikwembu. Hi tsemakanya makhombo ya wena, Ri ta ku byela leswi u faneleke ku swi endla.

¹²² Malembe manharhu lawa ya nga hundza ndzi twile munghana wa mina, mukamberi wa doroba, u tshama exitarateni xa le hansi ka mina, a belela mhandzi ehansi. Ndzi humile kwalahaya kutani ndzi ku, “Ku humelela yini, Mud?” N’wana wa Nkul. King, munghana.

A ku, “Billy, va ya eku anamiseni ka patu leri.”

¹²³ Hinkwenu ma swi tsundzuka. Ndzi teri, “Ri nga hava ri ri biloho.” Ndzi byerile Makwerhu Wood, ndzi teri, “Khomelela nhundzu ya wena. Kumbexani biloho lero ri ta ta kwalahawani, swin’wana.” Xindledyana xi handzuriwile; switina, maribye, swi cukumetiwa hinkwako eka swin’wana na swin’wana. Swingaleswi a ku . . . Ndzi ku, “Khomelela nhundzu ya wena.” Kutani loko ndzi . . .

Nkul. King u ndzi byerile leswaku sweswo a swi ya eku humeleteni.

¹²⁴ Ndzi nghanile, ndzi ku eka nsati wa mina loyi a tshamile lahaya, “Murhandziwa, ku na swin’wana leswi nga tsariwa mayelana na sweswo. Hi LESWI HOSI YI SWI VULAKA, ku n’wana.”

¹²⁵ Ndzi nghanile ndzi ya kuma buku ya mina, ndzi yi languta, nakona a yi ku, “Swi ta humelela . . .” Endzhaku ka nhungu wa malembe!

¹²⁶ Kutani loko ndzi yi langutile, ndzi ku, “I nkarhi sweswi, murhandziwa, hi boheka ku jikela evupela-dyambu.”

¹²⁷ Masiku mambirhi endzhaku ka sweswo, ndzi yimile ekamareni kwalomu ka awara ya khume mixo wun’wana, ndzi nghanile eMoyeni wa Xikwembu. Ndzi vonile xintlawani lexiya xa matuva xi ri karhi xi haha, ndzi swi langutile swinyenyani leswintsono. Ma swi tsundzuka. Ndzi vonile Tintsumi ta nkombo hi xivumbeko xa phiramidi, tita hi ku tsutsuma tita eka mina. Ti ku, “Jikela etlhelweni ra vupela-dyambu, ya na a Tucson, u va mune wa makume wa timayile en’walungu-vuxa. Nakona u tava u ri karhi u susa gwandya,” kumbe xilunghwa, va xivitanisa xiswona lahaya, “eka swiambalo swa wena.”

¹²⁸ Makwerhu Fred Sothmann, a tshameke lahaya a ndzi languta sweswi, a ri kona hi mixo walowo. A ndzi swi rivarile.

¹²⁹ Ndzi teri, “Ku buluka ku yile emahlweni kukotisa ku ninginika ka misava, leyi yi nga ninginika kusaseka ekusuhi na swin’wana na swin’wana leswi a swi ri kona kwalahaya etikweni. A ndzi voni hilaha munhu a ta pona hakona.” Ndzi chavile. Ndzi yimile a Phoenix, loko hinkwerhu mi ri eku yingiseleni vusiku lebyi vanani na vumbboni bya mina. Ndzi chumayerile hi nchumayelo lowu wu nge, *Vakulukumba, Xana I Nkarhi Muni?* “Xana hi le kwihi?” Ndzi yile evupela-dyambu. Votala van’wina lava nga kona mi na yona thepi ya leyo, votala van’wina lahawani mi yi twile loko yi ku, lembe kumbe ku tlula swi nga se humelela.

¹³⁰ Ndzi yile evupela-dyambu, ndzi ri karhi ndzi tivutisa leswaku ku ta humelela yini. Siku rin'wana ndzi vitaniwile kusuka eka Hosi. Ndzi byerile nsati wa mina, ndzi ku, "Murhandziwa, ndzi...kumbexani ntirho wa mina wu herile." A ndzi swi tivi. Ndzi ku, "Mina...Xikwembu, Xikwembu kumbexani xi hetile hi mina sweswi nakona ndzi tava ndzi ya eKaya. U ya u ya teka na Billy, u teka vana. Xikwembu xi ta mi endlela ndlela, hi ndlela yin'wana. Famba u ya emahlweni u ya hanya hi ku tshembheka eka Xikwembu. U vona leswaku vana va kumeka exikolweni, va kurisi eku chaveni ka Xikwembu."

Wansati a ku, "Bill, a wu—a wu swi tivi leswaku sweswo swi ntiyiso."

Ndzi ku, "Ee. Kambe munhu a ngaka a nga poni eka sweswo."

¹³¹ Mixo wun'wana Hosi yi ndzi pfuxile, yi ku, "Yana lahaya eSabino Canyon." Ndzi tekile xiphephani na Bibele ya mina.

Nsati a ku, "Xana u ya kwihi?"

Ndzi ku, "A ndzi swi tivi. Ndzi ta ku byela loko ndzi vuya."

¹³² Ndzi yile egoveni, ndzi khandziya ndzi ya yima laha magama a ma haha kona ya ri karhi ya rhendzeleka. A ndzi ri karhi ndzi hlalela ndhakazi yin'wana leyi a yi yimile lahaya. Ndzi khinsamile ehansi leswaku ndzi khongela, ndzi tlhela ndzi yimisa mavoko ya mina ehenhla, kutani Tlharhi ri tlhava voko ra mina. Ndzi halahala. Ndzi ehleketa, "I yini sweswo? A ndzi humanga eka vumina. Hi leri Tlharhi lero evokweni ra mina; ro vangama, ro hatima, ri hatima edyambyini." Ndzi teri, "Sweswi, ku hava vanhu lava va nga eka timayili ta mina, ehenhla lahawani eka gova leri. Xana sweswo swi nga ta swi huma kwihi?"

Ndzi twile Rito, ri ku, "Rero i Tlharhi ra Hosi."

Ndzi ku, "Hosi yi veka munhu kuva socha hi tlharhi."

¹³³ Yena, Rito, ri tlhela ri vuya, ri ku, "Ku ngari tlharhi ra hosi, kambe, 'Tlharhi ra Hosi,' ri nga Rito ra Hosi." Ri ku, "U nga chavi. Kova ntsena ku Koka ra Vunharhu. I ku tiyisisiwa ka ministri wa wena."

¹³⁴ A ndzi ya eku hloteni na munghana wa mina, hi ngari eku swi tiveni leswi swi nga ta humelela.

Kutani un'wana u ndzi vitanile, un'wana loyi a ndzi sandza hi xifaniso xexo xa Ntsumi ya Hosi, un'wana loyi a nga xi teka. A ndzi fanele ndzi ya eHouston hikwalaho ka n'wana wa yena wa xinuna, hikuva ari eku fambeni eka layini ya rifu nakona a ta dlawa hi masiku mantsongo. Nakona u hlanganile na mina kwalahaya a fika a ndzi vukarha, a ku, "Ehleketa, munhu yena yaluya a ndzi n'wi sandza u tile a ta ponisa jaha ra mina!" Nhlangano wa ximunhu wu ndzi nyikile leswi swi vitaniwaka

oscar, kumbe hilaha mi nga swi vitanisaka xiswona, swo ponisa vutomi.

¹³⁵ Kutani hiloko a tlhelela endzhaku, ndzi gonyile entshaveni ku ya hlota. Kwalahaya, Makwerhu Fred na mina, mixo wun'wana loko ndzi huma, nakona se a ndzi ri na-na tlharhi ra mina, nakona ndzi langutile ni ku vona ndhawu laha ti ngaya kona. Ndzi ku, "Makwerhu Fred, famba u ya gonya ntshava liya ka hari mixo sweswi, loko ri tava rixile, kutani mina ndzi ta ya eka leyin'wana. A ndzi ngeyi baleseli nguluve, ndzi ngaka ndzi nga yi duvuli. Kambe loko ti nga sungula hi ndlela leyi, ntlhambhi walowo, ndzi ta balesa emahlweni ka tona ni ku tihlongorisa."

¹³⁶ Makwerhu Fred u yile kwalahaya nakona a ti ngari kona tinguluve. U ndzi yimiserile voko kutani ndzi swi vona. Ndzi rhelerile ehansi enkoveni, kuri minkova leyo enta, dyambu ntsena a ra hari eku humeni. Ndzi tile hi le ka tlhelo lerin'wana ra xiganga, ndzi ngari eku ehleketeni ka nchumu hi vuprofeta. Ndzi tshama ehansi, ndzi rindzela, ndzi wisa; ndzi ehleketa, "Xana ku ngava ku humelele yini hi tinguluve letiya?"

¹³⁷ Ndzi tlakurile xa mina... Ndzi tshama ehansi kukotisa Maindia, ma swi tiva, xitseve. Ndzi languta enengeni wa hovhorolo ya mina, nakona a kuri na xilunghwa. Ndzi xi susa. Kutani ndzi ku, "Sweswo swa chavisa! Hi mina loyi, kwalomu ka timayili ta mune wa makume en'walungu-vuxa bya Tucson. Hi luya Joseph lontsongo wa mina a ndzi rindzeleke." Nakona tani hiloko ndzi sungula ku languta, ndzi vonile ntlhambhi wa tinguluve wu humelela kwalomu ka majarata ya gidi ku suka eka mina, ehenhla entshaveni, ndzi cukumeta xilunghwa ehansi. Ndzi ku, "Ndzi ta ti kuma. Ndzi taya ndzi ya kuma Makwerhu Fred, nakona ndzi ta haka xiphephani ehenhla ku n'wi kombisa ndlela leyi a nga ta yi teka, eka nsinya lowu wa makhandlele lahawani, nakona hi ta kuma Makwerhu Fred."

¹³⁸ Hiloko ndzi sungula ku gonya ntshava, ndzi tsutsuma swinene hilaha a ndzi kota hakona etlhelo lerin'wana. Hi xitshuketa, a ndzi ehleketa leswaku un'wana u ndzi balesile. A ndzi nge se tshama ndzi twa ku buluka kwaloko; ku ninginisile tiko hinkwaro. Nakona, loko swi endlekile, emahlweni ka mina a ku yimile Tintsumi ta nkombo ti ri hi ntlawa.

¹³⁹ Ndzi hlanganile na Makwerhu Fred na vona, swintsongo endzhaku. Va ku, "A kuri yini xana?"

Ndzi ku, "Sweswo a kuri xona."

"Xana u ya eku endleni ka yini?"

¹⁴⁰ "Ku tlhelela ekaya. Hikuva, HI LESWI HOSI YI SWI VULAKA, swihundla swa nkombo leswi a swi tumbetiwile eBibeleni eka malembe lawa hinkwawo, tidinominexini leti na hinkwaswo, Xikwembu xi ya eku swi pfuleni swihundla leswi eka hina eka Swilemo swa Nkombo."

¹⁴¹ A kuri na xirhendzevutani xexo lexi a xi ta xi huma emisaveni, tani hiloko ku vumbela nkunghwa. Loko Xi tava xi swi endlile, Xi yile xi ya tshama entshaveni, xi sungula ku xirhendzeleka evupela-dyambu, ku sukela eka ndlela leyi Xi nga ta hi yona. Sayense yi Xi kumile endzhaku nyana, makume nharhu wa timayili hi kuya ehenhla na makume mbirhi-ntlhanu wa timayili hi ku tsemakanya, ntsena kukotisa xirhendzevutani xa phiramidi.

¹⁴² Kutani siku rin'wana, loko ndza ha yimile kwalahaya, ndzi hundzuluxela xifaniso exineneni, kwalahaya a kuri na Yesu tani hilaha A ri eka Tinguva ta Nkombo ta Kereke, na wiki yo basa ehenhla, leswi kombisaka Vuhosi byale Henhla. Hi Yena Alfa na Omega; hi Yena wo Sungula na wo Hetelela; hi Yena Muavanyisi wa le Henhla wa leswi nga Heriki, a yimile lahaya ku tiyisisa Hungu ra awara leyi. Nakona ku tava na ku Vonakala enkarhini wa na madyambu! Xana swi vula yini hinkwaswo leswi? Xana a kuri yini?

¹⁴³ Ndzi yile evupela-dyambu. Ehenhleni ka ntshava yona yaleyo, hi hundza hi kona na Banks Wood kwalahaya, a ku, “Hoxa ribye ehenhla. U ku eka Nkul. Wood, ‘HI LESWI HOSI YI SWI VULAKA, u ta vona ku Kwetsima ka Xikwembu.’”

¹⁴⁴ Hi siku leri landzelaka, loko ha ha yimile kwalahaya, xihuhuri xi xikele ehansi xi fika xi bulusela tintshava. Maribye ya tsemelela ehenhla ka minsinya yi suka, kwalomu ka nharhu kumbe mune wa tifiti ehenhla ka nhloko ya mina. Ku endla ku buluka ka nharhu lokukulu, hiloko vamakwerhu va ta hi ku tsutsuma. A kuri na kwalomu ka khume nthhanu wa vavanuna lava a va yimile kwalahaya, swichumayeri na van'wana. “Xana a kuri yini?” A ku, “Xana a kuri yini?”

Ndzi ku, “Ku Avanyisa ku le ku beni ka West Coast.”

¹⁴⁵ Kwalomu ka masiku mambirhi endzhaku ka sweswo, ku ninginika ka misava ku mbombemerisele Alaska. Xana Layiti ley i ya yini ehenhla ka Sunset Mountain eCoronado Forest a Arizona? Xana i ncini lexi nga tollovelekangiki lexi nga humelela ehenhla lahaya, laha vanhu a va chayela ku suka a vupela-dyambu ku ya evuxeni, va ri karhi va rhwalela maribye lawa a ya ri kwalahaya loko Xi ta faya? Nakona rin'wana na rin'wana ra wona, ribye rin'wana na rin'wana, a ri ri na tiyinhla tinharhu eka rona, leri Xi nga ri phema. (Leti tinharhu i Yin'we.) Ya vekiwile emadeskeni, eka phepha ra matiko, kurbendzeleka hitiko. Xana i yini nchumu lowu nga tollovelekangiki eSunset Mountain eCoronado Forest?

¹⁴⁶ Junior Jackson u yingiserile, ma wu tsundzuka norho walowo a ngava na wona lowu ndzi nga wu hlamusela, “ku famba ku kongoma laha dyambu ri pelaka kona”? Nakona leswi swi humelerile e “Sunset” Mountain. I nkarhi wa na madyambu, nkarhi wa ku pela ka dyambu. Hungu ra ku pela ka dyambu hi ku

pela ka matimu, ku pela ka vuprofeta, swa antswa, byi hetisekile. Nakona ku Vonakala ku tava kona hi nkarhi wa ni madyambu, ehenhleni ka Sunset Mountain a Coronado Forest, mune wa makume wa timayili en'walungwini wa Tucson. Kumani mepe mi vona loko Sunset Peak yi ri kona kwalahaya. Kwalaho hi laha hakunene swi nga humeleta kona. A ndzi kalanga ndzi swi tiva ku fikela siku rin'wana.

¹⁴⁷ Hinkwaswo leswi... Leswi nga taka swi nga fi. Swi le ku ti andlaleni hi Swoxe hi ku famba kahle. Ku suka eka wona nchumu lowu wu nga humeleta, ku ya eka xifaniso lexi nga Yesu a yimeke a hi languta; nakona sweswi kona eSunset Mountain, na ku Vonakala ka le vupela-dyambu. Ku Vonakala ka na madyambu ku fikile, Xikwembu xi titiyisisa hi Xoxe. Xana i yini? I ntiyiso leswaku Xikwembu na Kreste va un'we. Yo "basa," i vangani va nga yi vona, wiki yo basa ehenhleni ka Yena, tani hilaha hi vulavuleke eka Nhlavutelo 1? Wa vona, Vuhosi bya le Henhla, Matimba ya le Henhla; ku hava rito rin'wana, ku hava xikwembu xin'wana, ku hava nchumu wun'wana! "Eka Yena ku tshamile ku hetiseka ka miri wa Vukwembu bya Xikwembu." Tintsumi tona hi Toxe a tiri wiki ya Yena. Amen.

¹⁴⁸ Xana ku humelerile yini ehenhla eMount Sunset? Xikwembu xi tiyisisa Rito ra Xona. Hi yona mhaka kuri na huwa leyi. Lemukani, i Xikwembu xi hetisisaka Rito ra Xona ra xitshebbiso nakambe, xa Nhlavutelo 10:1 ku fika eka 7, "Nakona emasikwini ya ku twakala ka Hungu ra ntsumi ya vunkombo, xihundla xa Xikwembu xi ta hetiseka." Xihundla lexi fihliweke xa Nhlavutelo 10:1 ku fika eka 7, Hungu ro hetelela eka nguva ya kereke yo hetelela. Yi hetiseka hi kunene, eka nguva leyi, Mukwetsimi Luka 17:30, "Siku leri N'wana wa munhu a nga ta paluxiwa."

¹⁴⁹ "Nakona ku ta pfuka vaprofeta va vunwa na Vakreste va vunwa, va ta kombisa masingita lamakulu na swihlamariso, hi vunyingi leswi swi nga ta hambukisa na vona Vahlawuriwa loko swi nga koteka." Vanhu va ha kanakana. Nakona, tani hi ntoloveloo, kereke na yona yi pfilunganyekile.

¹⁵⁰ Nakona sayense, hinkwayo ku ya eTucson hambi swi ri tano, va le ku tsalen'i ka swiphemuphemu nakona va swi vekela ephepheli. Endzhaku lahaya a Ntshaveni ya Lemmon, tikhamera ta vona a ti Ri vonanga loko ri pfuka ku suka laha a hi yimile kona; ri papamala ri ya eVupela-dyambu, ri kombisa leswaku nkarhi a wa hari kona. Ri ngaka ri nga fambi handle ka xiphizani kwalahaya; ri le West Coast. Ku avanyisa ku bile hi ndlela leyi a ri ya kona. Ri famba ri kongoma a Phoenix na ku rhendzeleka, kuya ePrescott na ku tsemekanya tintshava kuya eWest Coast, kuya ehenhla e...Xana a ti ya kwihi? Ku ya fika eAlaska, nakona a ri ri eku dumadumeni, ri kongomile ndlela ya leyi.

¹⁵¹ Nakona vakamberi va tineyleti na hinkwavo ka vona a Tucson va hari eku vutiseni, valavisisi va sayense va le ku ringetenka ku kambisisa leswaku i yini. A ti ri ehenhla lero ti ngaka ti ngavi nkunghwa, hunguva, kumbe ku ngari nchumu wun'wana ehenhla lahaya. "Xana swi endlile yini? Xana swi le kwihi?" Ntsena va pfilunganyekile hi Xirhendzevutani lexi nga henhla ka ntumbuluko lexi nembelelaka lahaya exibakabakeni tani hiloko a vari hakona loko Tintlharhi ti ta ti landzelela Nyeleti, ti ku, "Xana Yi kwihi leyi nga tswariwa Hosi ya Mayuda?" Xana a kuri yini? Xikwembu xi hetisisa Rito ra Xona, "Nakona ku ta humelela nyeleti leyi yi humaka eka Yakob."

¹⁵² Nakona Xikwembu xa Matilo xi tshembhisile hi nkarhi wa ni madyambu leswaku ku tava na Malayiti ya na madyambu. Malembe manharhu lawa ya nga hundza xihundla lexi a xi ri vuprofeta, "Xana i nkarhi muni, Nkulukumba?" Kambe sweswi i matimu. Swi hundzile. Xitshembhiso xi hetisekile. Xana i nkarhi muni, nkulukumba, nakona i xikoka rinoko xa yini lexi? Xikwembu xi hetisisa Rito ra Xona! Wa ha ri yena wa tolo, namuntlha, ni hilaha ku nga heriki.

A hi khongeleni.

¹⁵³ Xikwembu lexi rhandzekaka, ndzi khomeletile vanhu nkarhi wo leha, ku tlula hilaha a ndzi tibyele hakona. Ndza khongela, Xikwembu, leswaku swin'wana swi vuriwile kumbe ku endlienda laha swi nga ta endla leswaku vanhu hinkwako va twisia. Nakona hi ku vona na ku twisia va nga ha pfumela leswaku Wena hi wena Kreste wa ntiyiso, na Marito lawa ya nga tiyisisiwa i ku tiyisisa ka Rito ra Yena kuva ri hetisekile na kuva ri hetisekile eka nguva ya Rona.

¹⁵⁴ Sweswi, Hosi Yesu, ku suka eka Marito lawa ya nga ya Wena N'winyi, U teri misava yi tava yi ri eka xiyimo xa Sodoma. Ha swi tiva sweswo, hi nga ha yi languta. Nakona U teri, hi siku rero, "Tani hilaha a swi ri hakona eSodoma." Ku vile na varhumiwa vanharhu va nga rhumeriwela eka Vamatiko na misava ya Vaheberu. Nakona un'wana wa vona, loyi a ri Xikwembu hi Xoxe, N'wana wa munhu, u tipaluxile yena hi Yexe hi xivumbeko xa ximunhu na ku endla mahlori, hi vunyingi laha a nga byela Abraham leswi Sarah a ri eku swi endleni endzhaku ka Yena etendeni.

¹⁵⁵ U teri swi ta tlhela swi vuyelela nakambe loko misava hinkwayo ya Vamatiko yi tava yi ri eka xiyimo xa Vusodoma. Nakona hi lahwani, Hosi. Vuprofeta byin'wana byi tiyisisa swo fana, swo rhumela Eliya emasikwini yo hetelela, Moya wa Eliya ehenhleni ka misava, ku tisa timbilu ta vatatana, kumbe, "ta vana ti tlhelela eka vatatana." Nakona ndza khongela, Xikwembu, leswaku awara leyi leswaku U ta tiyisisa Rito ra Wena, leswaku wa hari Yena wa tolo, namuntlha, ni hilaha ku nga heriki. Hi nyike swona, Tatana. Hinkwavo i va Wena. Ndza

khongela leswaku U ta hi nyika minkateko leyi ni ku tiyisisa leswi swi nga vuriwa, hikwalaho ka ku Kwetsima ka Xikwembu. Hi Vito ra Yesu Kreste. Amen.

¹⁵⁶ Ku vula rito, i munhu; ku tiyisisa rito, i Xikwembu. Ku vula swin'wana, i nchumu wun'we; Xikwembu ku swi endla, i nchumu wun'wana. Xikwembu a xi kali xi lava mutoloki; xa Ti tolokela Xona hi Xoxe.

¹⁵⁷ Sweswi hi lulamisela kuva na layini ya xikhongelo, ku khongelela vavabyi, hi ku rhandza ka Xikwembu. Nakona ha swi tiva leswaku ku hava na un'we, ku hava wanuna, ku hava wansati, ku hava munhu, ku hava ntsumi, leyi yi nga mi hanyisaka, hikuva Xikwembu xi swi endlile khale. Xi endlile vululamiselo, lexi mi nga xi endlaka ntsena i ku ku amukela.

¹⁵⁸ Ku hava munhu, ku hava ntsumi, ku hava nchumu, hambi kuri Xikwembu hi Xoxe, xi nga mi rivalelaka vudyoho bya n'wina. I khale swi endlilekile. Yesu u swi endlile sweswo eXihambanweni. Kambe a swi mi humelerisi, kumbe swin'wana, kumbe ku mi vuyerisa swin'wana, ku fikela laha mi swi amukelaka. Wa vona?

¹⁵⁹ Nchumu wun'we ntsena lowu wu nga endliwaka, i swileriso leswi nga nyika hi Xikwembu, eka vapfumeri ku tlhandleka mavoko eka lava va vabyaka. Sweswo eka tinguva hinkwato a va endla sweswo, hi mimpfuxelelo. Nakona va swi vitanile, "Xikwembu."

¹⁶⁰ Abraham u vonile masingita yo tala. Kambe ku fikile nkarchi laha Abraham a nga vona singita ra yena ro hetelela, loko ntsena Sodoma ri nga se hisiwa, nakona kwalaho a kuri Xikwembu xi tivonakarisaka hi Xoxe hi xivumbeko xa munhu. Ma swi pfumela sweswo xana? Xana Yesu a nga vulanga leswaku swi ta tlhela swi vuyelela?

¹⁶¹ Sweswi, i vangani lava va nga kona . . . Na le handle eka xiyan-moya, kumbe ehandle eka tiqingho ku rhendzeleka hi tiko, loko ma hari eku yingiseleni, tilulamiseleni xikhongelo sweswi, khongelani, na n'wina mi nga khoma swidukwana lahwani. Sweswi, a ndzi nge byeli Xikwembu leswaku xi endla yini. Ee, a swi ve ekule na mina hambi kuri ku swi ringeta. Xa ti fuma; Xi endla leswi Xi swi lavaka. Ntsena ndzi nga yingisela ni ku vula leswi Xi swi vulaka ntsena.

¹⁶² Nakona sweswi va yimile ku jika hi makhumbhi, va gandlanile, ku manyaniwile. Ndzi nga hlalamala loko ndzi nga vutisa Xikwembu eka marito lawa, "Xana i yini lexi kokaka rinoko leri?" Loko Xikwembu xi nga famba-famba exikarhi ka hina nakambe (swi nga endleka kuri na lava hi nga tivaneki lahwani), nakona xi famba-famba exikarhi ka hina nakona xi kombisa xikandza xa Xona lexi nga kateka exikarhi ka hina, xi kombisa leswaku Moya wa Yena wu kona kwala, xi kombisa leswaku xa hari Xona xa tolo, namuntlha, ni hilaha ku nga

heriki, leswaku un'wana na un'wana wa hina (endzhaku ka Mahungu lawa ya mbirhi yo tiya) a nga pfumela leswaku swi tano? Xana mi nga swi endla? Hi swona.

¹⁶³ Ematshan'wini yo vitana layini ya xikhongelo, kutani; ka hisa, ku manyanile, ku yimiwile hi makhumbhi. Ndzi languta hinkwako hi ndlela *leyi*, ku ta vitana layini ya xikhongelo, u ngaka u nga swikoti; langutani, ku yimiwile lahay. Xana ndzi nga yi vitana hi ndlela *leyi*? Vavabyi va n'wina, swisangwana, na hinkwaswo, ku pavalala; mi ngaka mi nga swi endli. Swingaleswi tshamani kwalaho mi nga kona, mi pfumela Xikwembu. Loko mi ri na rona khadi ra xikhongelo, ri khomeni, ri tava ri ri kahle. Hi ta ku fikelela loko u lava ku ta hi layini. Kambe a wu fanelanga u ta hi layini.

¹⁶⁴ Luya Nkulu. Shepherd, vusiku bya Sonto lowu nga hundza, a nga tanga hi layini. A ndzi—a ndzi pfumeli leswaku a ri na rona khadi ra xikhongelo. Xana Nkul. Shepherd a ngava a ri kona vusiku lebyi? U kwihi xana? U kona kwala? U le ndzhaku. Xana a wuri na rona khadi ra xikhongelo, Nkul. Shepherd? A wu ngari na rona? A ngari na rona. U tshamile kwalahaya nakambe, vusiku lebyi. I ndhawu ya kahle kuva eka yona, Makwerhu Shepherd.

¹⁶⁵ Ku ngari leswaku ntsena wo fanela kuva kwalahaya, kambe ntsena vana na ripfumelo. Hikuva, tsundzukani, wansati lontsongo u khumbhile nguvu ya Yena kutani U swi twile. Nakona wa hari Yena wa tolo, namuntlha, ni hilaha ku nga heriki. Nakona papila ra Vaheberu, eka Testamente Leyintshwa, ri vula leswaku hi Yena Muprista wa le Henhla vusiku lebyi loyi a nga “khumbhiwaka hi matitwele ya hina ya vugono.” Ma swi pfumela sweswo xana? Vanani na ripfumelo kwalaho! Mi nga Ri kanakani. Ri pfumeleni, nakona swi ta humelela. Mi nga hava na—mi nga hava na leswi mi nga swi kombela, loko mi nga Ri pfumela. Kambe mi fanele ku Ri pfumela. Mi ta swi endla xana? Xana hinkwenu ka n'wina mi ta Ri pfumela sweswi? I va ngani lava va nga ta Ri pfumela xana? Xikwembu a xi mi katekisi.

¹⁶⁶ A ndzi tivi leswaku mani i mani. A ndzi tivi nchumu ha n'wina. A hi mhaka ya mina ku tiva swin'wana na swin'wana swa n'wina. I mhaka ya Xikwembu ku tiva swilo leswi. Kambe Xi ta swi endla loko mi ta Ri pfumela. Xana mi nga Ri pfumela sweswi?

¹⁶⁷ Sweswi, Xikwembu lexi Rhandzekaka, hakunene a hi ntlawa wa Vakreste lava nga hayibridiwa, a hi fanelanga kuva tano, un'wana loyi a fanelaka hi ku bambeteriwa na ku mbuweteriwa. A wu na wona muxaka walowo, Hosi. U na vapfumeri lavo khwaxa. Byona Vukona bya Xikwembu byi veka mbilu ya munhu endzilweni. Ku kotisa Abraham, a pfumela Xikwembu. U titivisile Wena eka yena, nakona U humelerile eka yena u fika u endla singita, nakona u Ku pfumerile. U cincile miri wa yena

wu tlhelela eka jaha, na nsati wa yena, laha, nsati wa yena a ri xiphemu xa miri lowu wu nga wa yena. Kutani ku tswariwa n'wana lontshwa, n'wana wa xitshembhiso.

¹⁶⁸ Xikwembu, U tshembhisile leswaku swi ta fana na le ka siku leri. Ndza khongela leswaku U ta tiyisisa Rito leri. Nakona hi ta tirha eka xitshembhiso xexo xin'we lahaya, xa leswaku swi ta kotisa leswi a swi ri xiswona eSodoma, loko Sodoma ri nga se hisiwa na ku avanyisa ku nga se ba Sodoma, misava ya Vamatiko. Swingaleswi ku avanyisa ku lulamisela ku ba misava ya Vamatiko, na Mayuda ma kuma malembe manharhu na hafu kuya hi nkarhi wa Mahlomulo, ku xaniseka ka Yakob, ku yisa emahlweni ka makume nkombo wa mavhiki ya Daniel. Kambe, ya Vamatiko ya pimiwile, i nkarhi wo famba. Nakona Wena u nyika singita rero, nakona U vule leswaku ri ta tlhela ri va kona nakambe. Hi nyike swona, Xikwembu. Va le, hi le mayokweni ya Wena, endla hi hina tani hilaha U vonaka swi fanerile. Hi Vito ra Yesu Kreste. Amen.

¹⁶⁹ Sweswi mi nga rhurhumeli. Xana a swi tava njhani loko a ndzi rhurhumela? Sweswi, ndzi le ku endleni ka swin'wana lahawani leswi swi nga ta fanela ku tshembhela eka vuhosibya Xikwembu. Kambe hikokwalaho ka yini ndzi endla leswi? Xi vule leswaku swi tava tano. Sweswo swa swi tshamisisa. Nakona loko Xi ti endla sweswo hi Xoxe, xi tiyisisa ku kotisa sweswo emahlweni ka n'wina, kunene, xana mi ngaka mi nga Xi pfumeli? Hakunene. Ntsena vanani na ripfumelo sweswi na ku pfumela.

Mi nge ndzi halahala, ndzi vona laha Moya lowo Kwetsima wu nga ta hi yisa kona, leswi Wu nga ta swi endla. A ndzi swi tivi leswi Wu nga ta swi endla, sweswo swi le ka Wona. Kambe loko ntsena mi ngava na ripfumelo, pfumela ntsena, "Hinkwaswo swa koteke eka vona lava va pfumelaka." Hinkwenu ka n'wina ma swi pfumela sweswo, yimisani mavoko ya n'wina mi ku, "Ndza Ri pfumela." [Nhlenegetano yi ku, "Ndza ri pfumela."—Muhleri.] Hi mbilu ya mina hinkwayo, ndza Ri pfumela.

¹⁷⁰ Sweswi ka nharhu ku tava kuri ku tiyisisa, loko Wu nga swi endla ka nharhu hi ku lulama, ku mi khorwisa leswaku Ri ntiyiso. A ndzi na mhaka na leswaku mi le kwih, u mani, ntsena vana na ripfumelo u pfumela. Sweswi, u nga—u nga hakaseleki. Hi ndlela *leyi*.

¹⁷¹ Manana, wena u khongelaka, a ndzi ku tivi. Ntsena tshamiseka laha u nga kona; a wu fanelanga ku ta. A ndzi ku tivi, kambe u tlakurile xinhwenyetani evokweni ra wena, kumbe u xi xingile. Hakunene ndzi muluveri eka wena. Nakona xinhwenyetani xi languteka xi ri kahle, u languteka ari kahle. I xinhwenyetani xo saseka, xinhwenyetani xa xinhlokwana xo tshwuka. Ndzi n'wi langutile lahawani, a nga languteki a ri xilema kumbe swin'wana. A ndzi swi tivi leswi nga hoxeka hi yena. Swi nga endleka swi ngari swa n'wana; swi nga endleka

swi ri swa wena. Kambe swilo humelela ndzi ku vona u tshamile lahaya na n'wana yaloye, u ri eku khongeleni. Ndzi fanele ndzi vulavula na wena swintsongo, ku khoma moya wa wena, tani hilaha Yesu a nge teri eka wansati, "Ndzi keli Ndzi nwa," wa vona, ntsena ku humesela—ku humesela munhu un'we ehandle. Makwerhu Bryant na lava va tshameke lahwani, ndza va tiva vanhu lava va nga tshama lahwani. Va nga hava vari na swilaveko, na vona, kambe u muluveri.

¹⁷² Xana wa ndzi pfumela kuva muprefeta wa Xikwembu ke? Xana wa pfumela leswaku swilo leswi u nga swi twa vusiku lebyi leswaku i Ntiyiso? Sweswi, loko Xikwembu xi nga ndzi paluxela swin'wana leswi u nga swi endla, kumbe swin'wana leswi a wu nga fanelanga u swi endlile, kumbe swin'wana leswi nga hoxeka ha wena, kumbe leswi u swi tsakelaka, u ta swi tiva loko swi ri ntiyiso kumbe swi ngari wona. A wu nge switivi xana? Nakona loko Xi nga endla sweswo, xana swi nga tiyisisa Rito ra Xona leswaku wa hari Yena wa tolo, namuntlha, ni hilaha ku nga heriki, na leswaku Mukwetsimi Luka 17:30 yi le ku vonakarisiweni? Wa Yi pfumela xana?

¹⁷³ Sweswi, manana u yimisile voko ra yena leswaku a hi tivani. A ndzi ku tivi, kambe ndzi le ku ringeten i ka ku tihlanganisa na moya wa yena, munhu un'we. Ku na votala van'wina mi nga eku kokeni. Sweswi, wa swi pfumela Leswi hi mbilu ya wena hinkwayo.

Sweswi, i swa xinhwenyetani. A hi wena. Wa rhurhumela, kambe a hi ku rhurhumela leswi swi ku karhataka. Nchumu lowukulu embilwini ya wena i xinhwenyetani xexo. Nakona wa pfumela leswaku Xikwembu xi nga ndzi byela leswaku i yini? Wa swi pfumela xana? Xana swi ta ku pfuna, xana u ta pfumela kwalaho? I ku vaviseka ka byongo. Hi swona sweswo? Sweswi tlhandleka voko ra wena ehenhla ka nhloko ya xihlangi lexintsongo; voko ra wena.

¹⁷⁴ Xikwembu lexi Rhandzekaka, U teri, "Masingita lawa ya ta landzela vona lava va pfumelaka. Va ta tlhandleka mavoko ya vona ehenhla ka vavabyi, nakona va ta hola." Wansati i mupfumeri. Voko ra yena ri le henhla ka n'wana. Ingaku a nga hanya. Hi Vito ra Yesu Kreste, ndzi nyikela xikhongelo lexi. Amen.

¹⁷⁵ Xana ma pfumela sweswi, hinkwenu ka n'wina? Loko ntsena mi nga pfumela, hinkwaswo swa koteka. Hakunene!

¹⁷⁶ Ndzi tiva manana loyi a nga tshama kusuhi na yena, kambe u langutile endleleni leyi hi ku tshembheka. A ndzi nge ri vuli vito ra yena, kambe ndzi... Loko ndzi n'wi languta xinkadyana, ndzi ta swi tiva. Kambe ndzi tiva wansati hi ku n'wi languta, kambe a ndzi swi tivi leswaku u karhata hi yini. Wa pfumela leswaku ndzi... Xikwembu xi ta ndzi pfumelela ku tiva leswi swi ku karhataka? Xana swi ta ku... Xana swi ta ku pfuna?

Vuvabyi bya chukele. Sweswi, loko sweswo swi ri ntiyiso, yimisa voko ra wena. Hakunene!

¹⁷⁷ Swi humelerile kuva manana loyi a pavaleke . . . a tshameke ekusuhani na wena, u na swo fana na yena. I muluveri. Manana un'wana u le ku khongeeleni ka un'wana, n'wana loyi a nga mutsoniwa. Wa pfumela hi mbilu ya wena hinkwayo, Xikwembu xi ta swi nyika.

¹⁷⁸ Un'wana endzhaku lahawani. Wanuna loyi a nga tshama lahaya, u le ku ringetenka ku hambana na ku dzaha fole. Wa pfumela leswaku Xikwembu xi ta ri susa eka wena xana? Hi swona. Wa pfumela xana? U nga hava na swona. A ndzi se tshama ndzi n'wi vona wanuna loyi evuton'wini bya mina.

¹⁷⁹ Hi loyi wanuna. Ma wu vona ndzhuti walowo wo dzwihala ehenhla ka wanuna loyi a nga kona lahawani loyi a pavaleke ehenhla ka xisangwana, kumbe xitulu? U le kufeni. U na ndzhuti. U na mfukuzani. A ndzi n'wi tivi wanuna loyi, a ndzi se tshama ndzi n'wi vona. Xikwembu xi tiva hinkwaswo hi wena. I ntiyiso walowo, nkulukumba. Xana wa pfumela leswaku Xikwembu xi nga ndzi byela swin'wana ha wena? Xana swi ta ku pfuna ku kuma ku hanyisiwa ka wena? [Makwerhu a ku, "Ina, ndza pfumela."—Muhleri.] U tisiwile lahawani hi munghana. Kambe a wu humi kona lahawani, u huma kun'wana laha ku nga na mati yo tala laha vanhu va njovelaka kona. ["Ina."] Ina, Albany, Kentucky. ["Hi swona."] Hi swona. Pfumela, nakona u nga haya ekaya, u ri kahle. Pfumela leswaku byi fambile. Loko u nga Swi pfumela! U fanele ku Ri pfumela, nakona u pfumela leswaku swi endliwile eka wena. Wa pfumela xana?

¹⁸⁰ Wena, u huma eTennessee, u na jaha leri ri nga na asthma. Ku ngari lahawani, kambe wa pfumela leswaku u ta hanyisiwa? Kutani teka xidukwana xa wena, wa wena . . . evokweni ra wena lahaya, u yisa eka yena. U ta hanyisiwa loko u nga Swi pfumela.

¹⁸¹ Manana loyi a rilaka, a nga tshama ku tsemekanya ku suka eka Dokodela Vayle lahaya. U na ndzhuti, na yena, ndzhuti wo dzwihala. A ndzi se tshama ndzi n'wi vona wansati loyi evuton'wini bya mina, kambe u na mfukuzani. U ta fa loko swin'wana swi nga endlowi eka yena. Wa pfumela leswaku U ta ku hanyisa xana, manana? U nga swi kota? U nga hava na ku hanyisiwa ka wena, loko ntsena u nga pfumela.

¹⁸² Ku na manana lontsongo a nga tshama endzhaku ka yena na xidukwana lexi xi nga enon'weni wa yena. Na yena u na khwiri leri ri nga na ulcere, wa vabya. U vile na ku titivala, ku ka u nga voni, ku wa. Un'wana u ku tisile lahawani. U karhatiwa hi xilumi. Loko ntsena u nga pfumela, u nga ha tiyela ekaya, u ri kahle.

¹⁸³ Wena, jaha, i muluveri; wena u nga tshama kwalahawani emahlwesi ka mina, u nga ndzi languta. U muyini, Mupuerto Rico kumbe swin'wana? Ina, leswi a ndzi vula swona, . . . ? . . !

Ndzi muluveri eka wena. Wa swi tiva sweswo; a wu humi kona hambi kuri ku huma etikweni ra mina. Kambe wa pfumela leswaku Xikwembu xi nga ku nyika ku navela ka mbilu ya wena? Loko ndzi nga ku byela leswi ku navela ka wena ku nga swona, xana u ta ku amukela xana? U le ku laveni nkhuuvulo wa Moya lowo Kwetsima. Walowo i ntiiyiso. Amukela Moya lowo Kwetsima, boti wa mina.

¹⁸⁴ Hi loyi wanuna wa mukhaladi a nga tshama endzhaku lahawani, u na ndzhwalo embilwini ya yena. I wa nsati wa yena. A nga kona lahawani, hambi swi ri tano. U karhatiwa hi milenge ya yena. Wa pfumela leswaku U ta n'wi horisa xana? Wa pfumela? U muluveri lahawani. U huma ku tsemekanya lwandle. U huma eJamaica. Wa pfumela leswaku Xikwembu xi nga ndzi byela leswaku u mani? Nkul. Brady. Wa pfumela? Yesu Kreste wa hari yena wa tolo, namuntlha, ni hilaha ku nga heriki.

¹⁸⁵ Manana loyi a nga tshama endzhaku eka makumu *lawa*, ekusuhi na Manana Wright lahaya, u na ndzhwalo embilwini ya yena. U le ku khongeeleni ka nhwana. U ta ya eka vuhandzuri. Wa pfumela hi mbilu ya wena hinkwayo, hikwalaho ka yena? A nge kali a byi lava loko wena u nga n'wi endla leswaku a Swi pfumela. A ndzi horisi.

¹⁸⁶ Endzhaku lahaya eka nezari, ndzi vona Moya wa Hosi, Ntsumi, Layiti yi famba-famba eka nezari. Yi le henhla ka wansati lontsongo, nakona u karhatiwa hi khombo ra ximoya u le ku hlamaneni ha swona. Swi tikomba tani hiloko ndzi n'wi tiva wansati, hi ndlela yin'wana, wansati lontsongo. Na yena u karhatiwa hi xilumi. Ina. Vito ra yena i Manana West, u huma eAlabama, Manana David West. Pfumela; Xikwembu xi ta ku nyika swona.

¹⁸⁷ “Ku tava na ku Vonakala, nakona hi siku rero loko N'wana wa munhu a ta paluxiwa.” Loko yaloye a ngari Yesu Kreste loyi a nga yena wa tolo, namuntlha, ni hilaha ku nga heriki, a ndzi tivi nchumu hi Kona. Xana wa swi pfumela Sweswo xana? Hinkwaswo swa koteka eka vona lava va pfumelaka.

¹⁸⁸ Ehandle ehenhleni ka timayikhrofoni ku tsemekanya tiko sweswi, na le ka tabernakele leyi, i vangani va n'wina mi nga ta yimisa mavoko mi ku, “Ndzi mupfumeri”? Sweswi, n'wina mi nga kwalaho ematikweni, un'wana na un'wana u yimisile mavoko ya yena, lahawani. Na le handle, lahaya kun'wana ku tsemekanya tiko, mi yimisile mavoko ya n'wina, a swi kanakanisi. Sweswi pfalani mahlo ya n'wina, ntsena enhlisani mavoko ya n'wina ehenhleni ka un'wana loyi a nga ekusuhi na wena. Khomani mavoko ya vona. Ma tlhandlekeni ehenhla ka makatla. Ndzi tlhandlekile mavoko ya mina ehenhla ka swidukwana. Langutani leswi nga endliwa namuntlha! Langutani leswi nga endliwa sweswi.

Ku vona xikandza xa Yena lexi
 kwetsimisiweke
 Lexi vangamaka hi rirhandzu ra Matimba;
 Vaaveriwa lava katekeke va tintswalo ta Yona,
 Tani hilaha maribyi yo hlawuleka ya nga ta
 vangama exidlodlwani xa Yona.

Sweswi khongelani. A hi khongeleni, hinkwako.

¹⁸⁹ Xikwembu lexi Rhandzekaka, awara yi fikile. Xana swi ngava swi vula yini leswi? Xikwembu xi hetisisa Rito ra Xona! Xana i xikoka rinoko xa yini lexi, Hosi? I Xikwembu xi hetisiska Rito ra Xona. Xana i yini leswi nga ehandle ku tsemekanya tiko, kuya hi vuuhlanganisi bya riqhingho, laha madzana ya vanhu ya nga tlhandleka mavoko un'wana ehenhla ka un'wana ku rhendzeleka hi tiko, ku suka eka ribuwa rin'wana kuya eka rin'wana, ku suka eN'walungu ku ya eDzongeni, kusuka a Vuxa kuya eVupela-dyambu? Lahawani ku tshamile vanhu vo huma eka matiko mambe, matiko xivongo yo tala, Mexico, Canada, nakona hi tlhandlekile mavoko ya hina un'wana eka un'wana. Xikwembu xi hetisisa Rito ra Xona!

¹⁹⁰ Swi njhani kuva munhu a nga yima lahawani hi Moya lowo Kwetsima a vitana munhu tani hilaha Yena a swi endleleke Simon Petro, “Vito ra wena i Simon, u n'wana wa Yonas”?

“Famba u ya teka nuna wa wena u ta na yena lahawani.”

“A ndzi na nuna.”

“Wa vurisa. U vile na ntlhanu.”

¹⁹¹ U teri, “Ndza swi tiva sweswo leswaku Mesiya u ta ta a ta endla leswi, kambe Wena u Mani?”

U teri, “Ndzi Yena.”

¹⁹² Nakona wa hari Yena wa tolo, namuntlha, ni hilaha ku nga heriki. Nakona U tshembhisile leswaku, “Mintirho leyi Ndzi yi endlaka mi ta yi endla na n'wina. Mi ta endla na yo tlula ley, hikuva Ndzi ya eka Tatana.” “Nakona, vonani, emasikwini ya makumu Ndzi ta mi rhumela Eliya, wa muprofeta, nakona u ta ncinka mianakanyo ya vanhu, a ncinka timbilu ta vana ti tlhelela endzhaku eka ku Dyondzisa ka xiapostola xa Bibele.” “Nakona ku tava na ku Vonakala hi nkarhi wa ni madyambu.”

¹⁹³ Hi hina lava, Xikwembu lexikulu xa Tilo! Awara yi kona kwala! Mavoko ya le henhleni ka vanhu.

¹⁹⁴ Sathana, u hluriwile. U muhembia. Nakona, tani hi nandza wa Xikwembu, na kuva tani hi malandza, ha swi lerisa sweswo hi Vito ra Yesu Kreste, leswaku u yingisa Rito ra Xikwembu, kutani u huma evanhwini, hikuva ku tsariwile leswaku, “Hi Vito ra Mina va ta hlongola va javulosi.”

¹⁹⁵ Nakona vanhu hinkwavo va nga hava lava ntshuxiweke. Hi nyike swona, Xikwembu lexi Rhandzekaka. U Xikwembu

xa Tilo lexi nga hlula, hi siku rero hi ku koka rinoko eNtshaveni ya Xihambano, hinkwako ku vabya na mavabyi na hinkwayo mintirho ya javulosi. U Xikwembu. Nakona vanhu va hanyisiwile hi timbanga ta Wena. Va ntshuxekile. Hi Vito ra Yesu Kreste. Amen.

¹⁹⁶ Xikwembu, xidukwana xin'wana na xin'wana lexi andlariweke lahwani, loko Moya wa Xikwembu wa hari kona, loko ntoto wa Yesu Kreste wa hari ehenhleni ka vanhu, na masingita lamakulu lawa Yena a nga ma tshembhisa ya ri karhi ya hetiseka, nakona misava yi le ku rhurhumeleni, ku ninginika ka misava kule ku humeleleni, masingita lamakulu lawa Yena a nga ya vula, na Matsalwa ya le ku hetisekeni, na Rivoni ra na madyambu ri voningile. Ndzi tlhandleka miri wa mina ku tsemekanya swidukwana leswi, swi yimela miri lowu hinkwawo wa vapfumeri ku suka eVuhuma-dyambu, Vupeladyambu, N'walungu, na le Dzongeni; na ku vula leswi eka javulosi, "Hi Vito ra Yesu Kreste, tshika muvabyi un'wana na un'wana loko leswi swi tlhandlekiwa ehenhla ka vona," hi ku xixima na ku kwetsima ka Rito ra Xikwembu. Hi Vito ra Rito ra Xikwembu, Yesu Kreste wa Nazareta. Amen.

¹⁹⁷ Sweswi, ka ha miyeriwile, hi vutlharhi, hi nga tivi ku nwa, nakona mi ri eka miehleketo ya n'wina leyinene, tani hi vapfumeri, sweswi ma pfumela xana na ku amukela ku hanyisiwa loku ku humaka eka Xikwembu xa Matimba hinkwawo, hi Vito ra Yesu Kreste? Loko mi swi pfumela, yimisani mavoko ya n'wina. N'wina hinkwenu mi nga ematikweni, yimiseli mavoko ya n'wina ehenhla kwalaho. Munhu un'wana na un'wana loyi a nga lahwani, tani hilaha ndzi nga kotaka ku vona, va tlakuserile mavoko ya vona ehenhla; endzeni, ehandle, ku khegelana na mafestere, eminyangweni, eka tinezari, na hinkwako ku rhendzeleka hinkwako, vanhu na mavoko ya vona lawa ya nga ehenhla. Va Ri amukela. Sathana u hluriwile! Timbanga ta Yesu Kreste ti mi hanyisile, na Vukona bya Yesu Kreste bya tiyisisa leswaku hakunene Wa hanya namunlhha, wa swi kota ku hlayisa xitshembhiso lexi A nga xi endla. Amen! Ndza N'wi pfumela. N'wina ke? [Nhlengeletano yi ku, "Amen."—Muhleri.]

¹⁹⁸ Sweswi a hi yimeni hi milenge ya hina. Hi Vito ra Hosi Yesu, hi amukela hinkwaswo leswi nga endliya kumbe ku vuriwa, ha N'wi rhandza hi timbilu ta hina hinkwato. Ha N'wi hlayisa hi hinkwaswo leswi nga eka hina. Sweswi tani hilaha mi nga ta famba kuya emakaya lawa ya hambaneke ku sukela vusiku lebyi, Xikwembu a xi fambi na n'wina. Xikwembu a xi mi nyiki Moya lowo Kwetsima loko mi ri hava Moya lowo Kwetsima.

¹⁹⁹ Wanuna un'wana na un'wana, wansati, jaha, kumbe nhwana, lava nga lahwani, lava vo ka va nge se khuvuriwa hi Vito ra Yesu Kreste, swi kona swiambalo, xidziva. Mi nga vekeli ra mundzuku leswi nga endliwaka namunlhha. Mundzuku swi nga ha endleka

a nga fiki. "Swi ringanerile namuntlha, i swa siku leri, swi tava leswo biha endzhaku." Va kona vaministara va nga yima, va rindzela, swiambalo swi rindzerile. Ku hava xibajelo. Ma ha rindzela? Loko mi ri tano, mi pfumela. A swi na mhaka leswaku mi khuvuriwile njhani, mi haxiwile, mi cheriwile, hambi swi ngava swi ri swihi, i xihoxo. Ku Vonakala ku fikile. Tanani, mi pfumela, kutani mi khuvuriwa.

²⁰⁰ Un'wana na un'wana loyi a pfumalaka Moya lowo Kwetsima, onge mi nga amukela Moya lowo Kwetsima, un'wana na un'wana wa n'wina, eka matimba lawa ya nga hetiseka ya le Henhla na rirhandzu leri A mi tshembhiseke rona, ku mi endla leswaku mi va xivumbiwa lexintshwa eka Yena. Xikwembu a xi mi katekisi.

²⁰¹ Sweswi, ku kondza Sonto lowu taka na mixo hi hafu ku bile awara ya nkaye, a hi yimbeleleni xisin'wana lexi hi tolloveleke ku xi yimbelela malembe lawa ya nga hundza.

Mi nga rivali xikhongelo xa ndyangu,
Yesu u lava ku hlangana na n'wina kwalahaya;
U ta mi hlayisa eka hinkwaswo,
Mi nga rivali xikhongelo xa ndyangu.

A hi ri yimbeleleni swin'we sweswi.

Mi nga rivali xikhongelo xa ndyangu,
Yesu u lava ku hlangana na n'wina kwalahaya;
U ta mi hlayisa eka hinkwaswo,
Oho, mi nga rivali xikhongelo xa ndyangu.

²⁰² Sweswi tani hiloko ha ha ri yimbelela nakambe, tlhavulanani na muendzeri loyi a nga ekusuhi na wena, wa vona, tani hiloko hi ri yimbelela.

Mi nga rivali xikhongelo xa ndyangu,
Oho, Yesu u lava ku hlangana na n'wina
lahaya;
U ta mi hlayisa eka hinkwaswo,
Oho, mi nga rivali xikhongelo xa ndyangu.

²⁰³ Xana a mi N'wi rhandzi ke? Ndza N'wi rhandza. Ndza N'wi rhandza hikuva hi Yena a nga sungula a ndzi rhandza a xava ku ponisiwa ka mina (kwalaho a kuri lexi kokaka rinoko) eNtshaveni ya Xihambano. Xikoka rinoko lexi fanaka eNtshaveni ya Sunset, eNtshaveni ya Nebo, eNtshaveni ya Sinai, mintokoto hinkwayo yo hambana etinhlohlhorhini ta ntshava. Kutani, swi lulamile, a hi ri yimbeleleni sweswi.

Ndza N'wi rhandza, ndza N'wi rhandza
Hikuva U sungule a ndzi rhandza
A xav-...ku ponisiwa
Emhandzini ya Xihambano.

²⁰⁴ Hinkwavo lava va N'wi rhandzaka, mi nge, "Amen." [Nhlengeletano yi ku, "Amen."—Muhleri.] A swive tano! Ntsena ehleketa hi leswi Yena a nga mi endlela swona; ehleketa hi leswi Yena a nga mi endlela swona;

leswaku mi nga hava le kamareni ra le barheni vusiku lebyi. Nkarhi wun'wana a mi tava mi ri esirheni tani hilaha a ndzi fanele ndzi ri hakona, ehandle ka tintswalo ta Xikwembu. Xana U mi endlele yini? Oho, xana hi nga tshamela ro N'wi rhandza njhani? A swikali swi endla ku hambana eka leswi un'wana a swi vulaka, hi Yena wo rhanga.

²⁰⁵ A hi pfaleni mahlo ya hina, hi korhamisa tinhloko ta hina tani hiloko ha ha N'wi yimbelela sweswi. U rhandza tinsimu, ku yimbelela tinsimu. A hi N'wi yimbeleleni sweswi.

Ndza N'wi rhandza, ndza N'wi rhandza
 Hikuva U sungule a ndzi rhandza
 A xava ku ponisiwa ka mina
 Emhandzini ya Xihambano.

²⁰⁶ Ha ha korhamisile tinhloko na timbilu ta hina eVukoneni bya Yena, hi tsakile swinene hikokwalaho ka leswi mahlo ya hina ya nga swi vona, leswi tindleve ta hina ti nga swi twa, leswi kandziysiweke eka Rito ra Xikwembu, leswi xitshembhiso xa Xona a xi ri xiswona eka hina namuntlha. Xikwembu a xi mi katekisi.

²⁰⁷ Hi na e—e muyeni vusiku lebyi, boti, Ned Iverson, loyi a ri muministara wa Presbyterian. Tatana wa yena, vaboti va yena, i vaministara va Presbyterian. Yena, ndza swi twisia, u khuvuriwile namuntlha, nakambe, hi Vito ra Yesu Kreste. Hi yena muministara, nakona un'wana wa kahle eka sweswo. Nakona ndzi ya eku n'wi kombeleni sweswi, tani hilaha ndzi pfumelaka leswaku u nandza wa Xikwembu, ku kombela minkateko ya Xikwembu ehenhleni ka nhlengeletano leyi tani hilaha mi yaka emakaya.

²⁰⁸ Boti Iverson, tana haleno, loko ha ha korhamisile tinhloko ta hina eka xikhongelo. Xikwembu a xi ku katekisi, boti wa mina.



XANA I YINI LEXI KOKAKA RINOKO ENtSHAVENI? TSO65-0725E
(What Is The Attraction On The Mountain?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Mawuwani 25, 1965, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org